

49013/P

D n 6

18

DISSERTATIO. INAUGURALIS.
PHYSIOLOGICO-ANATOMICA.

EXHIBENS.

OSTEOGENIAM. HUMANAM.

Q V A M.

DEO. O. M. AVSPICE.

Ex Auctoritate RECTORIS. MAGNIFICI.

FRANCISCI. BURMANNI.

S. S. Theologiae Doctoris ac Professoris P. Ordinarii, Facul-
tatisque simul Theologicae h. t. Decani.

NEC NON.

Amplissimi SENATUS. ACADEMICI. *consensu, atque*
Nobilissimae FACULTATIS. MEDICAE. *decreto,*

PRO. GRADU. DOCTORATUS.

Summisque in MEDICINA. Honoribus, Iuribus, Privilegiis
ac Praerogatiuis, rite legitimeque impetrandis,

ERVDITORVM. *submittit Examini*

MICHAËL. BALOG. SOOS.

ARABONIA. PANNONIENS.

AUCTOR.

Ad Diem III. Kal. *Augusti.* MDCCLXVI. H. L. Q. S.

TRAIECTI. AD. RHENVM.

EX. OFFICINA. IOANNIS. BROEDEL ET.
ACADEMIAE. TYPOGRAPHI. MDCCLXVI.

66699

THEATRE NO. 100

THEATRE NO. 100

AMPLISSIMO.
ACADEMIAE.
TRAIECTINAE.
SENATVI.

VIRIS.

SAPIENTIA.

OMNEQVE. GENVS.

ERVDITIONE.

LONGE. LONGEQUE.

CELEBERRIMIS.

EOSQVE. INTER. CVM PRIMIS.

FRANCISCO. BVRMANNO.

FRANCISCI. FILIO. FRANCISCI. NEPOTI.

S. S. THEOLOGIAE. DOCTORI. ET. PRO-

FESSORI. P. ORDINARIO. RECTORI. H.

T. ACADEMIAE. MAGNIFICO. FACVL-

TATISQVE. THEOLOGICAE. DECANO.

ALBERTO. VOGET.

S. S. THEOLOGIAE. DOCTORI. EIVSDEM.

AC. HISTORIAE. ECCLESIASTICAE.

PROFESSORI. P. ORDINARIO.

GISBERTO. MATTHIAE.

ELSNERO.

S. S. THEOLOGIAE. DOCTORI. EIVSDEM-

QVE. PROFESSORI. P. ORDINARIO.

GISBERTO. BONNET.

S. S. THEOLOGIAE. DOCTORI. EIVSDEM-

QVE. PROFESSORI. P. ORDINARIO.

IOAN-

IOANNI. OOSTERDYK. SCHACHT.

AA. LL. M. MEDICINAE. ET. PHILOSO-
PHIAE. DOCTORI. MEDICINAE. INSTI-
TUTIONVM. MEDICARVM. AC. PRA-
+ XEOS. PROFESSORI. P. ORDINARIO.

IOANNI. DAVIDI. HAHN.

AA. LL. M. MEDICINAE. ET. PHILOSO-
PHIAE. DOCTORI. MEDICINAE. CHE-
MIAE. BOTANICES. AC. PHYSICES. EX-
PERIMENTALIS. PROFESSORI. P. OR-
DINARIO.

+ IACOBO. GISBERTO. WOERTMAN.

MEDICINAE. DOCTORI. NVPER. MEDI-
CINAE. ANATOMES. AC. CHIRVR-
GIAE. PROFESSORI. P. ORDINARIO.
NVNC. VERO. CHARTAE. SIGILLA-
TAE. QVAESTORI.

PETRO. LVCHTMANS.

MEDICINAE. DOCTORI. MEDICINAE.
ANATOMES. AC. CHIRVRGIAE. PRO-
FESSORI. P. ORDINARIO. PROMOTO-
RI. SVO. EXOPTATISSIMO.

S E B A L D O. R A V I O.

S.S. THEOLOGIAE. DOCTORI. LINGVA-
RVM. ORIENTALIVM. ATQVE. ANTI-
QVITATVM. HEBRAICARVM. PRO-
FESSORI. P. ORDINARIO.

*FAVTO RIBVS. AC. PRAECE-
PTORIBVS. SVIS. SINGVLIS.*

AETERNVM. VENERANDIS. COLENDIS.
LABOREM. SPECIMINIS.

INAVGVRALIS. HVNCCE.

TANQVAM.

MENTIS. MONVMENTVM. SVBMISSAE.
PIETATE. CONSECRAT. DEVOTISSIMA.

TANTORVM. NOMINVM.
CELEBERRIMORVM.

CULTOR. PERPETVVS.

A V C T O R.

MICHAËL. BALOG. SOOS.

ARABONIA. PANNONIVS.

P R A E F A T I O.

Adspice DEI opus, qui boni et mali temporis vicissitudinem fecit eo consilio, ne quid in eo deprehendat homo. Committe IEHOVAE res tuas, et tua conata perficientur. Mens hominis de eius via deliberat; sed eius gressus componit IEHOVA. Ita Regum sapientissimus, interque res DIVINAS ac humanas cunctas, Medicinae, Botanices, Physiologiaeque peritissimus, SALOMONEM volo, animos hominum instruit et erigit. Eccl. 7: 13, 14. Prou. 16: 3, 9. Ni et ego, Lector Humanissime, his consiliis omni ex parte saluberrimis, obsecundare dudum didicissem; ante aliquot, profecto, iam annos, quod hic vides, Specimen Inaugurale, quamvis non ea, quam nunc prae se fert, forma, lucem adspexisset. Effecerunt id, NVMINE permittente Sapientissimo, fluctus partim calamitatum, quibus animo ac corpore pene obrutus eram annis superioribus; partim denique labores perbenigne mihi demandati atque acceptissimi. Anno 1762. non displicuit Celeberrimo Professori, Domino ALBERTO VOGET, Fautori ac Praeceptoris meo aeternum Venerando, de recenti Codicis cuiusdam, inter ceteros ab aliis oblatos, maioris editione, plus vice simplici mecum verba facere; eiusdemque correctionem, curae, cordi atque conscientiae committere, demandare. Quo correctionis munere eadem, qua demandabatur, fide in me recepto, adiunctisque tribus post se inuicem operae sociis; pari quoque tandem opus ad finem perductum est. Quid omnes ope DIVINA adiuti in hac praestiterimus editione, id ab aliis diiudicari, quam a me praedicari malo. Cum ultimo huius laboris anno, propter litteras minutissimas, harumque adpendices innumeras, variis oculorum adficerer malis; sic medicamentis NVMEN Optimum ex alto benedixit, ut nunquam partibus meis, quas primum receperam, nisi vnica tantum die, defuerim: quin immo Collegae vices, dum vrgentia requirebant eius negotia, saepius sustinere animo aequo potuerim. Quare infinitas DEO O. M. ago, habeoque gratias. Hi ergo labores ultimos hos absumserunt annos; ut praecedentes, animi corporisque ex rerum mearum angustis deriuati morbi, quo minus in lucem Specimen prodierit. Quam rerum penuriam, fateor, olim aperire, maiori laborans praeiudicio mundano, nimium

P R A E F A T I O.

mium verebar: nunc vero, altiores cum SALVATORIS Optimi paupertas, quam Mat. 8: 20. Luc. 9: 58. fateri haud veretur, egerit in mente radices; nec me amplius tantopere pudet. Spe fruor etenim firma: quodsi ea ludibrio non habeatur penuria DIVINA; multo minus contemptum apud Pios pepererit mea, vilis utpote homuncionis: inprimis si verba Annae: IEHOVA depauperat, et ditat; deprimit et euehit, tenuesque ab humo suscitatur: cet. neque enim homo viribus valet. 1 Sam. 2: 7. et seqq. serio, ut decet, in animum reuocauerint mortales. Quid vero primis, donec varia Collegia in hac Inclyta frequentassem Academia, egerim annis? de eo, nullus dubito, quin Celeberrimi Nominis, quotquot adhuc DEI O. M. munere supersunt, mei PRAECEPTORES, ac Condiscipuli, testimonium sint perhibituri. Atque ita habes in compendio, L. H. eius, qui promptus paratusque est, DEO ac hominibus vitae suae rationes reddere, solito quidem longioris; ast NVMINE ita moderante Benignissimo, nunc tandem absoluti cursus Academici impedimenta. Otium, ut puluinar Sathanae, canem et angue peius, quod praefiscine, vanaque absque gloria dictum esto, semper fugiens; tres superioribus annis, puta: Practicam† Chemicam, et hanc, quam offero, licet manu nunc secunda elaboratam, conscripseram Dissertationes, si sumtus suppetere, una vice edendas. Verum enimvero iubet eas nunc MODERATOR rerum nostrarum Summus missas facere, alteri fortean reseruandas tempori. Hoc in labore, fructus Institutionum, a PRAECEPTORIBVS Optimis, in meos usus deriuatos ac decerptos, maximam partem sisto Tibi Lector Beneuole, secutus apes, quibus non vitio fertur, dum ex plantarum floribus succisque mel parant quorundam, nec omnium, palato dulcissimum. Si tempus et crumena indulgissent veniam; animus mihi erat figuras Ossium quoque quasdam Dissertationi adnectere. Quem nunc defectum supplere Cel. BOEHMERI Figurae priores, aut aliorum, apprime possunt. Quodsi volupe Tibi fuerit; vtere labore exili: sin minus; aequum tamen ac beneuolum, ut Pium Humanissimumque decet Lectorem, rogo a Te praestolorque iudicium. Vale, et me Tui amantem, amare velis.

Q. D. B. V.



Q. D. B. V.

DISSERTATIO. INAUGURALIS.

PHYSIOLOGICO-ANATOMICA.

EXHIBENS.

OSTEOGENIAM. HUMANAM.

§. I.



riscis iamiam haud minus, atque recentioribus, cum maxime vero recentissimis Medicae Artis aetatibus, Anatomiae fuisse obiectum, hominis non tantum, in cuius nares, ut genus Illius essemus, spiritum vitalem DEVS O. M. olim inspirauerat, corpus exsanguis; verum animalis etiam cuiuscunque bruti, huius tamen prius, quam illius, terrestris, aquatilis, volatilis, et cetera, viventis aequae ac vitae expertis, constat inter eos, qui vel primis Aesculapii Sacra delibarunt labiis.

Nec desunt profecto varia, eaque insignia, quae brutorum ex dissectione animantium, ut quotidiana testatur experientia, pleno quasi riuulo, in Anatomicum redundant, commoda.

A

Siue

Siue enim eorum maximam cum Corpore Humano spectes analogiam; siue motus et circulationem in viuentibus sanguinis cognoscere fatagas; siue exercitationem denique, vt alia mittam, cum Anatomicam, tum Chirurgicam acquirere in animum inducas; omni procul dubio, si bruta secundum artis leges dissecueris animantia, facile obtinebis.

Longe tamen praegnantiores nos vrgent rationes, vsusque, hercle, meis encomiis maiores, vt elegantissimam et admirabilem Corporis Humani rimemur structuram.

Prout enim omnium, maiorum aequae ac minimarum, hoc in vniuerso, qua late patet, terrarum orbe, rerum creatarum, (iuxta Poëtam: *Praesentemque refert quaelibet herba DEVM*) adtentata consideratio, ad palpandum, inueniendum, submissaque colendum mente, NVMEN supremum ac sapientissimum, nos quasi manu ducit: ita in fabrica Corporis Humani artificiosissima, seu admirandas partium eius figuras diuersas, seu connexiones, seu communicationes, seu actiones, seu vsus, seu cum maxime genesin et ortum si contemplati fuerimus; CREATORIS, certe, O. M. non solum existentiam, ceu primum firmumque solidae pietatis fundamentum; sed quoque Bonitatem eius immensam, sapientiam stupendam, potentiam infinitam, ceterasque DIVINAE naturae virtutes, manifestissime, vel ad ipsorum Atheorum conuictionem, demonstratas habebimus; nec non ad cultum ac profundam eius venerationem sponte quasi inuitabimur.

Nonne ad eum, qui seipsum, propriumque pernoscere cupit aedificium, vt sic et suam, et aliorum melius tueri sanitatem, morbosque aut praeuertere facilius, aut profligare citius tutiusque possit, incredibilis, cum iucundissima animi voluptate, ex cognita rite Corporis Humani fabrica redundat utilitas?

An quis de cadaueribus, quae iussu Magistratus, vt causae mortis violentae vel suspectae inquirantur, aperiuntur; vtrum scilicet ex plaga inflicta, veneno, aliaque causa violenta? an vero morbofa, interna siue externa fuerit, interierint? adcurata sine Anatomae cognitione, vera referre, rectumque dare iudicium possit?

Quid? quod felicius curentur morbi; plurimas eorum abditas, quae alias semper latuissent, causas, ex dissectione cadaverum,
mor-

morbis defunctorum, industria Anatomicorum, et olim detexit quam felicissime, et hodie subinde producit in apricum, sagacissima.

§. I I.

Mirabilis operis hujus, quod praecipuum ac primarium constituit, qua inanimatum, Anatomes; qua vero animatum, Physiologiae objectum, Corporis Humani partes, ut varias, pro variis ac diuersis, quibus defungitur, donec viuit, actionibus, potentissima DIVINI Conditoris elaborauerat dextra: haud secus in certas, *Continentium*, scilicet, *Contentraum*, et *Impetum facientium* Classes, ex antiqua Hippocratis doctrina, id est, *Solidas*, *Fluidas* et *Spiritus*, distinxit easdem praeteritis seculis Medicorum Schola.

Trichotomiae recentissimi Anatomici praeferentes dichotomiam, omnes Partes, Corporis Humani structuram componentes, in *Solidas*, siue *Contentes*, et *Fluidas* seu *Contentas*, distinguere hac aetate solent.

§. I I I.

Missis Partium Solidarum minus solidioribus seu mollioribus, quae *Sarcologiae* constituunt cunctae objectum, pro nostro instituto praesenti, magis solidiores seu duriores in genere, *Ossa* volo, cum suis intus et exterius proximius adnexis, quae pro objectis *Osteologiae*, toti Anatomiae ac Physiologiae Corporis Humani, loco fundamenti inferuentis, habentur; eorumque in primis *Genesis* ac *Ortum*, scrutinio, quantum viribus ingenii, per institutiones (a) PRAECEPTORUM, omni, vel ipsa inuidia teste, prae-

(a) Celeberrimos volo Trium-Viros, non summa solum Vniuersitatis huius Decora; ast quoque vniuersi Orbis Eruditi Lumina, puta: JOANNEM OOSTERDYK SCHACHT, JACOBVM GYSBERTVM WOERTMAN, et JOANNEM DAVIDEM HAHN. His enim VIRIS Grauiissimis, quorum ab ore per plures licuit mihi dependere annos, et hunc, exceptis

praeconio Maiorum, eruditissimas adsequi dabitur, adcuratori sub examen reuocabimus.

Ea Anatomicae Scientiae pars, quae modum generationis ossium, eorundemque successuum perfectionis statum in foetu humano tradit, *Osteogenia* vocatur.

§. IIII.

Secundum varias, per plurium retro abhinc seculorum decursum, Anatomicae peritiae periodos ac facies, diuersae quoque obtinebant *Ossium* definitiones, aut potius descriptiones. Quid Veteres per *Ossa* intellexerint, exponunt mentem suam brevissime, dicentes: *Ossa esse partes corporis nostri durissimas*. Quam definitionem, aevi posterioris Anatomici, cum viderent, proprietatem quamdam Ossis exhibendo, veritati quidem esse consentaneam; at paullo simul, quam par erat, breviorē obscuriorēque: explicare eam conati sunt hunc in modum: *Ossa esse similes et frigidissimas, Corporis Humani partes, ex seminis crassamento, a vi genitas formatrice per calorem (b), et cetera*. At quis non videt maiorem hanc longe, quam Veterum, prae se ferre obscuritatem?

Vnde recentissimi Artis Anatomicae Magistri, missa ea terminis Scholasticorum obscuris incrustata definitione, eamdem fere cum Veteribus, verum vberiorē et planiorē, quam et nos amplectimur, exhibent descriptionem, cum aiunt: (c) *Ossa, firmissimas, maxime stabiles, albicantes, sensus expertes, variisque ex lamellis, perreptantibus hinc inde neruulis vasculisque, artificiosissime contextas corporis denotare partes*. §. V.

paucis, laborem qualemcunque; et cunctos in rebus Medicis, quamuis tenuiores esse hos ingenue agnoscam, profectus, quamdiu frui aura hac mihi licuerit, iugiter mente pia atque grata adscribam, acceptosque referam.

(b) Vid. CLOPTON HAVERS in *Osteol. nova* p. 7. ed. Franc. et Lips. 1692. 8uo.

(c) *Instit. Osteol.* PHIL. ADOLPHI BOEHMERI C. I. §. 6. p. 4. ed. Hal. Magd. 1751. 8uo.

§. V.

Siquidem *Osteologia* seu scientia de ossibus humanis, vi definitionis, non solum modum generationis eorum, structuras, situs, figuras, nexus; sed quoque usus machinae nostrae animatae varios, quolibet temporis momento praestari solitos, de quibus ante omnia primum agitur in *Physiologia*, in sese complectatur: a veritatis tramite haud videmur nobis aberrasse, *Osteologiam*, et *Anatomiae*, et *Physiologiae* quodam modo fundamenti loco inferuire, (§. III.) adserentes.

Id vero eo fidentius aimus: cum ossa sint, omnibus confidentibus, *Partes Corporis Humani* solidissimae, quae excluduntur neutiquam, cum *de Partibus Corporis Humani, earumque fabrica, vita, sanitate ac effectis* (d) per definitionem adfirmentur *Institutiones Physiologicae differere*: eademque praeterea ceteris *Partibus Mollioribus*, per variorum instrumentorum modum, ad diuersos motus exercendos, fundamenti loco a natura substerantur, adaptentur, ac adplicentur.

Verbis Magni BOERHAVII, quibus illustratio quaedam, ad sensum eorum explanandum, atque eximias ossium utilitates in apicum producendas necessaria, est a nobis addita, potest vtrumque illud dari demonstratum ac confirmatum.

Textus BOERHAVII ita se habet: (e)

„ *Firma sunt, aut vasa coërcentia humores, aut instrumenta sic*
 „ *facta, figurata, et connexa, ut ex singulari hac fabrica determi-*
 „ *nati quidam motus exerceri queant, si causa mouens accedat. De-*
 „ *prehenduntur enim ibidem, fulcimenta, columnae, trabes, propu-*
 „ *gnacula, tegumenta, hypomochlia, cunei, vectes, trochleae determi-*
 „ *nantes, funes, praela, folles, cribra, filtra, canales, alvei, recepta-*
 „ *cula. Facultas exercendi hos motus per illa instrumenta, Functio dici-*
 „ *tur;*

(d) Vid. *Inst. Med. BOERHAVE* §. 33. p. 12. ed. L. Bat. 1734. in 8uo.

(e) Vid. *ibidem* §. 40. p. 14.

„tur; quae lege mechanica fit, et per eam tantum explicari potest.

§. V I.

Liceat nunc nobis, dicta paucis illustrare. Inter Instrumenta, quae ad motus in machina Corporis Humani formandos et exercendos, ab NVMINE sapientissimo sunt facta ac figurata, dicit BOERHAVE, deprehendi.

1°. *Fulcimenta*. Novimus ex Mechanica, *Fulcimentum* vocari durum aliquod et solidum corpus in respectu ad aliud graue, cui illud, vt sustineat, vel fundamenti loco substernitur, vel ad latus admouetur; nec tamen sub hoc pondere, licet longe sese grauiori, ob partes essentiales sibimet inuicem arctissime et firmissime cohaerentes, destruitur. Iam dari talia fulcimenta in corpore nostro obuia, hipsoa, certe, caecior sit, necesse est, si quis non illico perspiciat. Nonne etenim plantae pedum cum suis ossibus fistulosis oblongis, crassitie et magnitudine inaequalibus, aliis iuxta alia collocatis, quae Graecis *μεταταγος* vocantur, cunctas Corporis partes superiores, aut vniuersam eiusdem molem sustinent? Columna vertebrarum ossea, quae spina audit, annon Ossi Sacro spongioso, tamquam fulcimento suo incumbit? Colli vertebrarum supremas, latissimas ac capiti subiectas, quod caput ipsi super impositum, tamquam Atlas in fabulis coelos, intrepide ferat, ideo nomen *Atlantis* impositum esse, quis inficias ire audet?

2°. *Columnas*. Hoc nomine indigitantur fulcimenta, siue cylindricae, siue prismaticae aut cuiuscunque fuerint figurae, vt in templis et aliis videri dantur aedificiis, magis oblonga. Columnas praesto esse in corpore nostro, cum hac distinctione sola, quod non sint, vt in templis, immobiles; sed quae, ad hancce machinam rationalem de loco in locum portandam, debuerunt esse mobiles, testantur luculenter Ossa Femoris, Tibiae ac Fibulae.

3°. *Trabes*. Quarum ope bina corpora inter se ligantur et firmantur, ne possint facile ab inuicem elabi; aut parietes ita fulciuntur adpositi, ne vacillent; simulque sibi incumbentia sustinent. Non obstante eo, quod curuam habeant figuram, *Trabium* vices gerunt in nobis *Costae* verae. Vbi enim antea
ster-

sterno, vertebris vero posterius per cartilagine, utroque in latere adnectuntur duabus extremitatibus; illud cum his, thoracis, tamquam fornicis, anteriores ac posteriores parietes ligant, firmant, fulciunt; nec non musculos, qui varii sibi incumbunt; et membranam, Pleuram dictam, sustinent ac baiulant.

§. V I I.

4°. *Propugnacula.* Ita Cranii seu Caluariae ossa, tenuissima licet; tamen solidissima cerebri ac cerebelli sunt propugnacula. Et quidem partem eorum posticam, quae vocatur Occiput, cum eo in loco vulnera maxime lethalia possent, ob cerebellum adiacens, infligi, crassiores robustiores reddidit Auctor Naturae Sapientissimus. Huc fer ossa Pectoris, quae in adultis coalita Sternum audiunt. Costas rursus utriusque lateris, ac Dorsi Vertebrae, quae impetum duriorum extra nos corporum, nobis aduersari volentium, tamquam propugnacula quaedam, acriter et intrepide sustinent; ne in Pulmones, Cor, Arteriam Aortam, Venam Cavam superiorem, atque ex parte inferiorem, ceteraque in thorace locata vasa, irruant; simulque ab eisdem auerunt, ne destruantur.

5°. *Hypomochlia.* (a voce Graeca *μοχλος* vectis, & *ὑπο* sub) Quae sunt in Corpore Humano plurima. Vt nexus Vlnae cum osse Humeri; Condylus omnes, ossa Sesamoidea, Patella, sic et ossis Femoris nexus cum acetabulo. Cuncta namque haec, ut corpora duriora, velut in Mechanica de Hypomochliis docemur, aut firmas innituntur basi; aut eam habent firmitatem, ut possint utrumque vectis momentum accurate in eleuando sustinere.

§. V I I I.

6°. *Cuneos.* Insigniter cuneorum munere in nobis Dentes Incisorii defunguntur, qui omnia esculenta, molliora aequae ac duriora, antequam ad molendum tradant molaribus, in partes diffidunt minutissimas. Adde, quod instar cunei reliquis cranii ossibus est infixum; nec non Tarsi quintum, sextum et septimum os, quae omnia Cuneiformia adpellata sunt ab Anatomicis.

7°. *Vectes.* Verbi gratia, Digiti, pro talibus profecto haberi pos-

8 DISSERTATIO. INAUGURALIS.

possunt Vectibus et simul Hypomochliis, habentes pro lineis suis musculos, et pro Hypomochliis condylos, necnon pro Vectibus ossa. Sic ossa Humeri aut Brachii, quorum mediam circiter in partem, tamquam Vecti, Musculus inseritur Deltoides. Adde Ulnae et Radii, Femoris, Tibiae et Fibulae ossa, quae singula, aut in eleuando, aut in gressus faciendo, Vectium quoque partes tenere experimur.

§. VIII.

8°. *Trochleas determinantes.* Praeter alias partes musculofas, inter ea, quae infra ad ossum referentur adnexa, huiusmodi est, vt et nomen ipsum indicat, Cartilago Trochlea in oculo propendens, sita ad os maxillae superioris, intra anteriora orbitae, iuxta internum oculi angulum, per quam musculus trochlearis, seu obliquus oculi superior, habens tendinem longissimum, quasi per trochleam, oculum circumagat ad angulum internum.

9. *Praela.* Sic vocantur in Corporis nostri machina binae Maxillae, Superior scilicet ac Inferior, quae ab se inuicem abduetae, formant cauitatem insignem; in quam esculenta inposita, si iterum ad se inuicem adducantur, aut conprimantur, conterentur. Fit autem proprie per molares dentes, qui, per modum clauorum infixorum, locantur ad vtrasque maxillarum extremitates, ista esculentorum contritio.

§. X.

10. *Folles.* Hoc instrumenti quidem nomine, ex partibus mollioribus, ipsi Pulmones vulgo a Medicis, et Aspera Arteria indigitantur: quatenus scilicet per hanc aër, tamquam per foramen aut tubulum in folles, in eorundem cauas vesiculas admittitur; et rursus per contractionem, aut pressionem vi quadam factam, emittitur.

Ast vero animaduertendum est, habere Pulmones suam thecam, vt (§.VII.) mentio est injecta, Thoracem vocamus, qui parte superiori a clauiculis, inferiori a diaphragmate, parte antica a sterno, postica a vertebrae dorsi, vtrisque lateribus a costis, intus oualem, ex-

exteriusque conuexam referens figuram, circumscribitur. Iam si motum non tantum Pulmonum; sed et simul eorundem thecae, seu Thoracis, in Inspiratione et Expiratione fieri solitum, scrutinio pensitauerimus adcuratori; Thorax potiori, quam Pulmones, iure, Follis nomine insigniri in nobis debebit. Non enim aër in pulmones ingressus est causa dilatationis thoracis; sed cartilaginum et costarum simul elasticitas, quae tempore Inspirationis per musculos internos externosue intercostales eleuantur; contra in Expiratione naturalem restituuntur in statum, vel contrahuntur, est causa aëris in pulmones irruentis primaria.

Id patebit, si remoto procul praeiudicio omni, adtentius ad id animum aduerterimus: quod, quantum thorax, id est, magis aut minus ampliatur; tantum aëris, id est, plus vel minus inspiramus in pulmones, qui alias naturaliter, nullo penitus aëre interueniente, semper contigui sunt Pleurae thoracem inuestienti. Vti hanc contiguitatem in cadaueribus, postquam, integumentis et musculis intercostalibus, a parte exteriori, ope cultri subtilissimi ablatis, absque vlla sui laesione denudata esset membrana Pleura; per hanc egregie transparentem, et superioribus, et proximis hisce annis, in demonstrationibus, quas Celeberrimus Professor, Dominus PETRVS LVCHTMANS, Promotor meus Exoptatissimus, in theatro anatomico publice coram Vniuersitate habuit, eruditissimis, plus vice simplici ipsi conspeximus.

Huc facit porro eorum consideratio, qui in senectute longe difficilius, quam in iuuentute, et nonnisi cum acceleratis suspiriis trahunt aërem: horum enim thorax, cum prouectiorem ob aetatis rationem, partes costarum anteriores ossëam fere contraxerint duritiem, aegrius iam nunc, quam ante, et difficilius dilatatur. Hoc demonstrant cadauerum inspectiones. In

Adde foetus in vtero materno mortuos prius, et dein exclusos, quorum pulmones haud amplius ingreditur aër, vnde nec facit dilatationem vllam: at vero, nisi thoracis actio aut dilatatio prius requireretur, deberet profecto eosdem expandere.

Quid? quod in moribundis per ipsam expirationem seu thoracis contractionem videbis ad extremum pulmones collabi.

Lege huc, si placet, a quo dudum euictum est, Celeberrimi

BORELLI Tractatum de Animalium Inspiratione excellentissimum; necnon Magnum BOERHAVE, (f) ex recentissimis autem Illustrem ALBERTVM HALLERVM (g).

§. X I.

II. *Cribra*. Inter vniuersa instrumentorum mechanicorum genera, quid, quaeso, hoc ipso clarius, licet ab aliis neglectum deprehendamus, quod cribri genus detur quoque in Corpore Humano osseum?

Nonne id, octauum seu vltimum Cranii os, per orbitas et nares extensum, quod, cum, instar cribri, plurimis in locis, foraminulis, ad olfactorios nervos transmittendos, miro, hercle, artificio pertusum sit; et Graecis audit ἡδμοειδης, et Latinis *Cribriforme*, extra omnem ponit dubitationis aleam?

Admirando os hoc esse conflatum artificio, in sensus incurrit, cuique haud fugitiuis oculis partes eiusdem singulas introspectienti. Si enim ad superiorem, transuersimque positam aduertas oculos Tuos partem; longa, tenuis, irregulariter perforata illico occurrit Tibi *Lamina cribrosa*, processum crassum, acutum, solidum, leuiter sinuatum, cui *Cristae galli* nomen, antèrius ex se se emittens. Circa medium eiusdem, cernere adspectu iucundo poteris, praeter *diaphragma osseum* paullo crassius, quod ossa cauernosa perpendiculariter ab se inuicem distinguit; *laterales intrinsecas* ac continuas partes, quae, magnam ob teneritudinem, fragili, tortuosaque praeditae substantia, multiplices, inaequales, et cauernosas prae se ferunt circumuolutiones, *Labyrinthum narium* configurantes, *ossiumque spongiosorum*, seu *Turbinatorum superiorum* nomine Anatomicis venientes. Quibus continuant rursus ad latera extrinseca portiones laeuigatae, oblongae, nec adeo latae, atque, ob planam tenuemque substantiam, *ossa plana*, vel *Papyracea* denominatae. Quoad situm in connexione cum aliis,
Plana

(f) in Instit. Med. §. 609--618. seqq. p. 301. et seqq. edit. Lugd. Bat. 1734. in 8uo. (g) in Opusc. Pathol. p. 274. et seqq. ed. Lausan. in 8uo.

Plana haec officula, antèrìus ossibus vnguis, superius frontali, inferius maxillaribus, posterius portionibus orbitalibus palatinorum interponuntur; hinc maximam interioris orbitalium parietis partem efficiunt, perque foraminula transitum nervis ac vasis concedunt. Si tandem ad partes ossis Cribriformis oculos conuertas inferiores; videbis, cum superioribus istis, leuiter per fibras osseas cohaerere processus instructos acuminibus minores, qui figura structuraque sua referentes peculiaria quasi officula minima turbinata, sinibus sphenoidalibus subiacent, eosdemque claudunt.

Narium caua hoc os cum suis partibus diuersis complendo, muci constituit officinam eum in finem, vt cum particulae odoriferae in nares mediante aëre adferuntur; ad tempus in dicto *Labyrintho*, possint muco huic adhaerentes detineri, quo diutius Nervos olfactorios ibidem expansos, pulposos, fibrillasque laminam perforatam transeuntes, adficerent.

§. XII.

12. *Filtra*. A veritate vix nos existimemus aberrare; si ossa oblonga, inaequalia, porosa, friabilia, tenui lamella, spirali modo circumuoluta, et in cauitates narium infimas propendentia huc retulerimus.

Non solum etenim per fabricam superioribus analogam; et mucosam, qua instructa sunt, membranam; ad instar superiorum, multum ad olfactum et humectationem conferunt; sed quoque in operationibus quemadmodum Chemicis, per *Filtra*, seu instrumenta poros habentia subtiles, percolando liquores, ab his heterogeneas particulas crassiores separamus et intercipimus commodissime: per haec haud absimiliter, cum in narium cauitatibus haereant infimis, liquidum illud, quem Aërem vocamus, subtilissimum, quolibet inspirationis momento, ab heterogeneis, quae certe varia illi innatant, corporibus percolamus et privamus. Hoc ergo mechanismo fit, nec alio, quod aëris in pulmones irruentis, vel potius, ipsi innatantes particulae frigidae, hyberno tempore saepius saevissimae, temperentur; inlapsus muscarum, aliorumque animalculorum varii generis in aëre volitantium, particularum terrestrium, necnon foetorem multiplicem exhalan-

tium, verbo, omnium peregrinorum, quae noxam inferre nobis possent aliquam, si modo subtilitate sua non superauerint, inlapsus, inquam, in fauces, Asperam Arteriam ac Pulmones, quavis ratione impeditur, arcetur et inuiscatur; atque sic periculum profecto malorum variorum, quae ab illis alias imminerent, immo mortis saepe per suffocationem facile conciliandae auertitur saluberrime. Horum ossium structura et superficies, superioribus valde similis, quam crassam, solidam ac pumicosam antè, postèrè tenuem et simplicem, interne eminentem, atque concavam exterius prae se ferunt, meruit nomen *Spongiosorum* siue *Turbinatorum inferiorum*.

§. XIII.

13. *Canales*. Huc fer (α) Vertebrae colli superiores, quatenus sibi inuicem super impositae coniunctim, partim pro nervorum cervicalium egressu *Canales* efficiunt; pro adscensu partim vasorum cervicalium, quae ab hoc decursu Vertebrales vocantur arteriae et venae, ex transuersis perforatis vnum Canalem osseum.

(β) Vertebrae dorsi cunctas, quae Spina vocantur. Per has etenim, pro diuersis ac variis motibus corporis formandis, aptissimum in modum, sibimet inuicem cartilaginibus coniunctas, tamquam per *Canalem osseum* perpendicularem, attamen mobilem, absque eo, vt metuendum sit, ne nervi et vasa sanguifera, quae tuto in latus vtrumque ducuntur, laedantur aut conprimantur, medullae Spinalis integritati ac securitati NVMEN Benignissimum prospexit quam sapientissime.

(γ) Ex partibus, quae stupendum illud, nullaque vnquam mentis creatae perspicacia imitabile, organum volumus Auditus, constituunt opus, tres *Canales* ab Anatomicis *Semicirculares* dictos, qui diuersis in superficiebus protuberantes, caua tinnula et resonantia efficiunt: necnon *Cochleam*, seu osseum *Canalem* conicum, substantia tenerrima, gyrisque in nucleo circumductis ita praeditam, vt limacis testam spirali sua fabrica referat exactissime: atque huiusce *Conicos Canales* duos, *Scala Vestibuli* et *Scala Tympani* nuncupatos, qui ex elasticis laminis spiralibus, longitu-

gitudine sexies lineam, circa quam inflectuntur, superantibus; septo osseo partim, partim membranaceo, cui chordae resonantes adfixae sunt, intercedente, formantur. Adde *Canalem* Nervi auditorii tam communem, utpote ampliorem; quam proprium, angustiore longioreque, qui partim foramine exiguo in cranii cauum; partim in Aquae ductum Fallopii definit, nempe, rursus peculiarem Canalem. Verbo tantum, praeter eos, volumus nominandos *Canales*, musculo mallei interno, stapedis musculo, chordae tympani, Arteriis Carotidibus et Nervis Intercoastalibus peculiares.

(d) Missis licet aliis, vix tamen erat negligendus in substantia Maxillae Inferioris interiori, infra dentium radices locatus *Canalis osseus* tenuis, maxima ex parte continuus, pro vasis sanguiferis atque Nervis vehendis incisus et perforatus: qui postquam infra processuum radices acutorum, duo maiora ac inaequalia a parte interiori acceperat ostia; tandem flexuosum secundum ossis figuram percurrens iter, infra primos molares dentes, totidem orificiis ovatis externe in cauum oris terminatur.

§. X I I I.

13. *Alvei*. Nonne cauernae aut fossulae in Maxilla Superiori aequae, atque Inferiori, quibus dentes, post completum eorum numerum, duo ac triginta, instar clauorum, infixi sunt firmissime, Alueolos testantur osseos? Ita sane. Postquam etenim loculamenta haecce coecis tantum in Maxilla Inferiori; ast in Superiori, vel pyramidalibus foraminibus plus minus profundis, vel vero latioribus et simul coecis exsurgerent fundis: mox Septis perfectis, periosteo quidem in recens natis; at in adultis, ubi dentes sapientiae erumpunt, lamina ossea ab inuicem distincta et conclusa, sursum per longitudinem marginis Maxillarum, veluti in aciem exstructa porriguntur, totamque eius latitudinem naturali replent positu; longitudine atque latitudine, secundum radices dentium diuersorum differentes, variantia.

Ex quo mechanismo patet, non solum gingiuas firmare hosce Alueolos; sed, quod praecipuum eorum est munus, radices inuersorum dentium adeo fulcire, ut stabiles atque immobiles, per

longam quoque annorum seriem, etiam ad decrepitam in quibusdam senectutem, immo mortem ipsam persistant. Nihil errare nobis videtur, si praeterea Cavitates quoque ossium externas, quae sunt ubique plurimae, cum articulationum gratia factas; tum pro diuersis vsibus aliis varias subeuntes figuras; quaeue iisdem diuersa foueae, fossae, foraminis, sinus, sulci, incisurae, et cetera, dederunt nomina, ad hos Alueos retulerimus.

§. XIII.

14. *Receptacula.* Sic vocantur instrumenta, quae liquidum in sese recipiunt, adgregant et aliquamdiu continent. Haecce dubitaremus dari in Ossibus? Minime gentium. In quam enim cavitates ossium Fistulorum et Spongiorum internas, de quibus infra pluribus, classem aliam, quam Receptaculorum, maiori, quaeso, referendas iure censeremus? Illae namque sunt ea receptacula, et nec alia in Corpore Humano vspiam, in quibus medulla ipsa, analogusue huic succus nutritius rubescens, vterque ad ossium nutritionem maxime faciens, secernitur, colligitur, et adseruatur indefinenter.

Ex qua osseorum Corporis Humani instrumentorum, quae, ad varias hac in machina rationali functiones peragendas, valde erant necessaria, luce aliqua ab nobis perfusa deductione, patescit nunc, nisi nos omnia fallant, praeter multiplices eorum vtilitates, et nostrorum (§. III. ac V.) et Celeber: Phil. Adolphi BOEHMERI (b) dictorum veritas, quibus adserit ossa, basin et firmitatem corpori nostro praestare, defendere mollia, robori inferuire, ad staturam speciemque constantem corpori toti praestandam conferre: motibus figuratis certis edendis, formandis receptaculis, cavitatibus et meatibus, pro particulari vsu diuersis, aptissima esse.

§. XV.

Inter ea, quorum supra (§. III.) proxime ossibus adnexorum meminimus, primum tenent locum Cartilagines; ita quidem,

(b) vid. Instit. Osteol. C. I. §. 7. p. 4.

dem, ut adnumerari ipsis ossibus Imperfectis queant quodam modo. Dicimus Imperfectis, non vero Perfectis. Nam sicut aetas recens natorum atque infantum, immensum quantum differt ab ea, qua fruuntur adulti prouectioresue: in ossibus haud ab- similiter eorum, magnam quoad robur et soliditatem deprehendi- mus diuersitatem. Horum scilicet ossa habent, ordinario naturae cursu, cunctas, quas in definitione (§. III.) complexi sumus proprietates essentielles: ast illorum minime, sed pluribus in par- tibus ipsam referunt cartilaginem; quinimmo notabilibus quo- que quibusdam, quae ad completam, siue internam, siue exter- nam pertinent structuram, quemadmodum infra pluribus de hoc agemus, ut plurimum destituuntur.

Vnde factum est, quod inter Infantum ac Adultorum ossa di- stinguat Anatomicorum Schola, vocetque illa *Imperfecta*, et haec *Perfecta*.

Per *Cartilagines* vero, eas intelligimus ad ossa proxime acce- dentes partes, quae sunt ex partibus maximam partem terrestri- bus oblongis, politis, cum cellularum diuersarum interpositu con- structae, in albedine quidem ossibus prorsus analogae, ast in du- ritie vel soliditate diuersae ab iis, utpote ossibus flexiliores et magis elasticae.

§. X V I.

Ea licet CONDITOR rerum omnium Sapientissimus, qua- aliarum possent esse fulcimenta, cet. (a §. III. ad XV.) par- tium, secundum a se constitutum semel naturae ordinem, ossa imbuat proprietate durissima: finit tamen quandoque, ut illimi- tatam eius potentiam admiremur, gloriamque, qua pollet, sum- mam magis ac magis celebremus, ab eo ordinario naturae cursu eadem deflectendo, mollioribus fere musculis paria reddi.

Hominis meminit FERNELIVS, (i) qui vitae deditus erat militari, quae profecto, si vlla alia, ad labores rei militaris fe- rendos, armaque fortiter tractanda, brachia requirit robustissi-
ma;

(i) in Obs. 37.

ma: brachii, ulnae, radiique attamen eiusdem ossa, eam praese tulerint molliem; ut flecti ac reflecti quaquaversum, ad instar cerae, potuerint.

Neque huic dissimile in Commentariis Naturae Curiosorum Germaniae prostat exemplum.

Memorari prae caeteris meretur casus, quem descriptum legimus in Act. Acad. Reg. Scient. Paris. Ai. 1753. Lutetiae Parisiorum Anno 1752. adhuc superuixerat mulier Gallica, quae tum temporis, Annos quamquam suae aetatis numeraret iamiam quinque et tringinta, plurimumque felicissime in lucem editorum mater esset liberorum: ossa tamen fere omnia, plane mollia in tantum diffluebant; ut Calcaneorum ossa, vi muscutorum a tergo sursum adtracta, humeris incumbere potuerint; Humeri ipsius ossa, cerae instar, diffluxerint mollissima; Femoris ossa tam exacte erant liquefacta, ut nonnisi caro ipsa tactui sese offerret; Digiti pedis incuruari quaquaversum et inflecti potuerint; cetera.

Huiusce facit mentionem verbo Illustris quoque ALBERTVS HALLERVS, visumque sibi aliud, etsi minus insigne exemplum, tamen adfuit, ut ipse loquitur, (k) adducit. Eandem per morbos quoque ossa subire metamorphosin, ut non tantum cartilagine fieri; sed ulterius etiam emolliri, plurimas secundum historias, ut apud Auctores videre est, adferit (l) DOMINICVS GAGLIARDUS, dicens: „Inter quas (nempe historias) fane recenseri meretur vnica, quae nuperrime nobis communicata fuit; quae cum nouissima sit, et a nemine adhuc descripta; breviter ac in compendium eam referre liceat. Nobilissima Femina, adhuc in iuuenili aetate constituta, mali habitus, utpote diu fluxionibus Rheumaticis obnoxia, duobus abhinc annis circiter, magis dolorificas ac lancinantes, per intervalla tamen recurrentes, eas experta fuit; verum dicti cruciatus continui, ac quasi habituales facti, saeuissime miseram hanc patientem vexabant; at postmodum pedibus, ac cruribus plus consuetotunc

(k) in Opusc. Pathologicis, Obs. 54. p. 137. et 138. Lauf. 1755. 8. (l) in Anatome ossium p. 69-71. Lugd. Bat. 1723. 8.

„ tumefactis, tam diri cruciatus, aliquantulum alleuati videban-
 „ tur: verumtamen nouum quasi portentum subortum est; dum
 „ ossa non solum sponte sua inflecti, sed etiam a suo situ luxari
 „ ceperunt; ac paulatim prorsus immobilis facta est. In tali
 „ miserabili statu (saeuissimis cruciatibus redeuntibus) infeli-
 „ cissimam vitam procrastinabat: quare resolutis tandem viribus,
 „ et a febris, quae per interualla recurrebat, macerata; suborta
 „ demum, ob costarum introrsum inflexarum compressionem,
 „ inspirandi difficultate, e viuis discessit. Cuius adaperto cada-
 „ uere, ossa primaria, tam inferiorum, quam superiorum ar-
 „ tuum, adeo emollita reperta sunt, vt quadam carne callosa
 „ potius constructa viderentur; reliqua vero ossa cadaueris car-
 „ tilaginea tantum duritie praedita erant.

§. X V I I.

Non mollitiae tantum ac flexibilitate; sed duritiae quoque ipsa
 peccare quandoque, et ab naturae cursu in deuium abire ossa pa-
 riter, atque cartilagines, conperire nobis datur. Id in gibbosis et
 a natiuitate rachiticis, quorum ossa incuruantur, et tubercula hinc
 inde ac nodositates generantur, numero tamen paucis, videre
 est. Labet nobis hanc in rem cum suis testimoniis Cel. BOEH-
 MERVM (m) excitare. Ita ille: „ Similiter aberrat nonnun-
 „ quam natura tam in *ossium lapidificatione*, quorum moles tunc
 „ adgregatum esse videtur ex diuersis guttis ossei petrifici et
 „ marmorei quasi succi concretis, et ferruminatis; quam *par-*
 „ *tium membranacearum ossificatione et incrustatione tartarea*. Sic
 „ teste MALPIGHIO succus osseus, in animantibus, ab ipsis
 „ ossibus et tendinibus effluens, in harum partium fracturis laesio-
 „ nibusque saepius luxuriat. GAGLIARDI tenacissimam et
 „ gypseam materiam (n) in vna parte vsque ad maioris digiti la-
 „ titudinem coaceruatam, siue ossei succi, paulatim transsudati
 „ concretam et induratum portionem, in effracti, sed non bene
 „ rea-

(m) Lib. cit. §. 15. p. 15, 16. (n) vid. Anat. Ossium p. 93,
 94 Lugd. Bat. 1723. 8.

„ reaptati ossis femoris coalitu, circa fracturae situm oculari in-
 „ spectione percepit. ” Neque nos huic in omnibus similis exem-
 pli, in tibia, quae in Collegio Anatomico demonstrabatur, ipsa
 oculari destituimur experientia. „ In gallinaceis circa articulos
 „ ab ossibus exsudans ichor consimiles producit appendices to-
 „ phosque. Qui arthritide fixa laborant, intra articulos, saepius
 „ materiam generant tophaceam, calcareamque. cetera. ”
 Ponderus omnino, nisi nos omnia fallant, his addunt ultimum,
 quae habet Celeberrimus Professor, Dominus IOANNES OOS-
 TERDYK SCHACHT, Praeceptor aeternum Venerandus, (o)
 in Oratione de Senili fato, cetera, Inaugurali: „ Mirumne igi-
 „ tur videbitur, si in incisiss effoetorum senum cadaueribus, ner-
 „ uos tendineam saepe adquisiuisse duritiem, tendines in cartila-
 „ gines, *cartilagine in ossa, ossa denique in lapideam fere substan-*
 „ *tiam fuisse mutata repertum fuerit?*

§. X V I I I.

Paucis itaque eiusmodi, in quibus naturam, ut statim dixi-
 mus, aberrare quandoque experimur, exemplis exceptis; Quae-
 stio est in Physiologorum et Anatomicorum Schola, profecto,
 fatis ardua: Cur et qui fiat, iuxta naturae praestitutum ab ado-
 rando CREATORE ordinem, haec ossium dura solidaque indo-
 les et incrementum? Cur Cutis, Musculi, ceteraeque Corporis
 Humani partes molliores, non aequae duram, atque ossa, induant
 naturam? Verbo: Quae est genesis aut ortus in utero materno
 delitescens foetus ossium?

Si liceat nobis, quorum ingenii acies, fatemur ingenue, obtu-
 sa fatis, magna DEI opera primis tantum gustare labiis, atque
 ex tam obscuro profundoque naturae penu quaedam colligere;
 ducem, difficili in Quaestione, pictorum ad instar, qui ad prae-
 sens quoddam obiectum exprimere adcurate imagines conantur,
 αὐτοψίαν ipsam nobis eligamus ossium compagem: ut summum sa-
 pientissimumque DEI artificium, quo fundamenta aedificii huma-
 ni

(o) vid. Institut. Med. Pract. p. 312. Trai. ad Rhen. 1747. 4.

ni construxit, admiremur non solum; verum gloriam quoque NV-
MINI Benignissimo tribuamus aeternam.

§. X V I I I.

Propositam itaque vt vel probabiliter soluamus Quaestionem, cum Principibus nostrae aetatis in re Anatomica Viris, non de- uiam nobis videmur insistere viam; si ossium substantiam, non minus ad *Chemicum*, quam *Anatomicum examen* adcuratori reuo- catam scrutinio, prius considerauerimus. *Chemicam* quod adinet *operationem*, hanc in adultorum; *Anatomicam* vero in embryonum ac infantum ossibus instituimus commodissime. Illam prius, quid per resolutam ossium compagem nos doceat, experiamur.

Obseruatis ergo ignis gradibus, si Chemico ossa in retorta sub- iiciantur examini; producentur equidem et reliqua Chemicorum principia, vt Spiritus, phlegma, sal, et substantia oleosa sive sul- phurea, sed maximam eorum partem, remanens in retorta *terra* constituet.

Ex pluribus hac aetate, qui chemicum cum ossibus captum adcurate experimentum bona nobis fide descripserunt, Viris Ce- leberrimis, sit vnus omnium loco, quem hic excitare fert animus, PHIL. ADOLPHVS BOEHMERVS: cuius ideo descriptio- nem verbis enarrare ipsissimis nulli dubitamus. „ Omnia scri-
bit, (p) (scilicet ossa plana, fistulosa et spongiosa) *Chemice*
„ prius examinata, ignisque torturae subiecta, vel *naturalia* con-
„ stitutiua, vel *artificialia* suppeditant principia. In genere ex
„ illis Phlegma, Spiritus, Sal volatile et Oleum, remanente
„ terra plus minus cohaerente, pro gradu ignis, et ratione ossium
„ exsiccatorum recentiorumque in maiore minoreque quantitate
„ extrahuntur. Maximam eorum partem subministrant terreae
„ particulae, vel crudiores, vel subtiliores eiusmodi, quae ad
„ sublime quidem ferri, inque aqua dissolui possunt; in coniu-
„ bio tamen cum crudioribus fixae manent. Reliquae partes,
„ spiritus scilicet, phlegma, oleum, aduentitiae sunt: et tam ex
„ vascu-

(p) in Instit. Ost. Cap. I. §. 37. p. 18. Lugd. Bat. 1751. 8.

„ vasculis, interstitiis ossium interiacentibus; quam ex oleoso et
 „ meduloso, in cauis haerente succo, et per poros ossium trans-
 „ sudante, sub destillatione eliciuntur ac mutantur: hinc pro-
 „ priae, ossiumque constitutivae dici nequeunt.

Haud alia certe, neque ab his diversa, CLOPTON HA-
 VERS (q) seculo superiori, ex ossibus a semet ipso ignis bene-
 ficio resolutis, producta exhibet nobis principia.

§. XX.

Exposita breuiter, quam circa ossium substantiam adquirere
 Chemica operatione nobis licet, peritia; nunc videamus, quae-
 nam artis ope Anatomicae, substrata pro materie, suppeditentur ad-
 minicula. Scopum vero huncce quo melius adsequamur; haud
 oleum ac operam perdiderimus, vbi ossium structuram curatius
 paullulum cum *externam*, tum *internam* indagauerimus.

Externam itaque nobis intuentibus ossium fabricam et faciem,
 diuersae, praeter corpus siue mediam eorum partem, quae ex hac
 variis in locis enascuntur seu producuntur; rursus quae iisdem
 quasi per modum adpendicis adponuntur, sese offerunt eminentiae.
 Illas *Apophyses*, has *Epiphyses*, basin vero vtrarumque *Dyaphysis*
 vocauit tam antiqua, quam recentior Anatomicorum Cohors.

Tres nunc has ossium partes, antequam fusius de singulis age-
 remus, Definitionibus aut descriptionibus exhibere illustratis,
 vix erit inutile. *Diaphysis* a *Διαφύω* inhaereo, siue *corpus ossis*,
 dicitur pars eius media, prae aliis durior ac solidior, principalior
 et maior, quae in embryonibus primum ante omnia indurescit,
 reliquarumque fundamentum est partium.

Epiphysis, ab *Επιφύω* adcreseo, ea adpellatur eminentia aut ossi-
 culum, quod extremitatibus vel lateribus *Diaphyseos*, interuentu
 periostei seu membranae, quae os exterius inuestit, adnascitur at-
 que vnitur. Quoniam ergo in iunioribus cum *Diaphysi* non est
 continua; sed mediante periosteo tantum contigua: hinc etiam
 diversa, *Adpendicis*, *Additamenti* et *Adnascentiae* adquisiuit no-
 mina.

Apo-

(q) in Osteol. nova p. 36-39. Francof. 1692. 8.

Apophysis, ducens ab Ἀποφύω, emitto furculum, fero, produco, originem suam; *latiori* sensu, significat partem ossis ex Diaphysi et Epiphysi exsurgentem, aut ex earum superficie eminentem: *strictiori* vero et *proprie*, est enata ex sola Diaphysi seu ossis corpore protuberantia, aut excrescentia intus cellulosa, quae partem veram, nulla re interueniente, Diaphyseos ita continuam, vti ramus pars est continua arboris, vltra planam eius superficiem prominentem constituit. Diuersis quoque Apophysis, longeque pluribus, quam Epiphysis, pro varia figurae, vsus, situsque seu loci ratione, insignitur synonymis ac cognominibus. Vocari namque per synonymiam solet: Prominentia, Processus, protuberantia, productio, proiectione, eminentia, tuberositas, tuberculum, cetera. atque a cognominibus: κορακοειδης, vel Ἀγκορκοειδης, μασοειδης vel mammillaris, γληνοειδης, κορωνοειδης, συλοειδης vel γραφιοειδης, κονδυλοειδης, πτερυγοειδης, ὀδοντοειδης siue Dentiformis, processus zygomaticus, τροχαντηρ, rectus, obliquus, transversus, spinosus, superficialis; ita caput, collum seu ceruix, κονδυλος, κορωνη, margo, labrum siue supercilium, spina, cetera, vt in specialibus ossium demonstrationibus indicari singula solent, adpellatur. Tres hae Partes descriptae in ossium visuntur incremento.

§. XXI.

Iam in specie de singulis, quae intus pariter atque exterius, ipsa αὐτοψία, ac sagacissima aetatis felicissimae, quam DEI O. M. munere viuendo incidimus, Anatomicorum detexit industria, breuissime quidem; ast qua fieri potest, quanta quanta cum perspicuitate adducenda venient. Et prius quidem *Epiphysium*, quam ceterarum Partium, intueamur indolem. Circa quas, facturi pretium operae, notemus sequentia.

1. Epiphyses esse ossis Partes, vt statim (§. XX. praecedenti) descripsimus, ad Diaphyses seu corpora ossium accedentes, et crena quadam ab iis in adultis sese distinguentes, quae, ab externa quidem parte, osseam induunt indolem; verum interiores earum tenuiores friabilesque lamellae, in subtilissima abeunt filamenta, retium formam prae se ferentia, quae inter sese variam

formando texturam, tandem cauernulas, cancellos aut cellulas exiguas, vnde cellulosae quoque vocantur, fauum mellis quam pulcerrime repraesentantes exhibent.

2. Periosteum aut membrana superficiem ossium inuoluens, per quam in iunioribus, (§. XX. praecedenti) meminimus Epiphyfes adnasci ac vniri cum Diaphysibus, in statu quidem ossium imperfecto, egregie ab vtrisque distingui potest; ast vbi successiue in perfectiorem abeunt ossa indolem, mutatur quasi ita in cartilaginem, vt ab ea discernere nequeamus. Rationem huius rei ex numero sequenti possumus infallibilem repetere. Cum enim Epiphyfes in principio cartilagineam habeant naturam, facile intelligimus, quod cum hac possit intime concreescere, in tantum quidem; vt nonnisi cartilaginea, tamquam reuera cartilaginum interuentu Diaphyses distinguerentur ab Epiphysibus, ad annos vsque pubertatis adpareat linea intermedia. Hinc est, obseruamus obiter, quod quidam Anatomicorum, cartilaginum interpositu dicant hic distinctionem fieri.

3. Docet experientia in infantibus recens natis omnes Epiphyfes referre cartilagines (ad calcem §. XV.) ac adolescere vbi incipiunt, mollia sensim sensimque euadere ossa; tandemue in adultioribus successu temporis indurescere, ossescere, ac more ossium cellulosorum, perfectam induere naturam solidam. Immo, quod plus est, postquam cunctae partes osseae perfectiorem abierint in statum; obseruamus ipsum quoque distinctionis medium, Periosteum volo, in tantum euanuisse; vt Additamenta, seu Epiphyfes, ob continuam, nec amplius contiguam, quam prae se ferunt, cum ossium corporibus vnitatem, ipsas *Apophyses*, sed *Spurias* mentiantur.

4. Quo propinquior est foetus in vtero materno ad suum ortum aut conceptionem; eo maiores mole grandioresque aduertimus habere Adpendices. In collegiis Anatomicis, quae apud Amplissimum ac Celeberrimum Professore, Dominum IACOBUM GYSBERTUM WOERTMAN, superioribus habueramus annis, licuit nobis eius discipulis, (testes adpello cunctos Nobilissimos Conmilitones, medendi devota Phoebos capita, actumque iamiam Med. Doctores, dum viuum, sancte amandos, aestu-

man-

mandos, cunctisque officiis, quibus per diffita regionum intervalla licuerit, colendos) tam felicibus esse, quod infantis recentissime nati Additamenta ossium, propriis nostris usurpauerimus oculis omnia fuisse cartilaginea. Certitudinem vero ac evidentiam huius autopsiae nostrae clarissimam, non de hoc solum, quod statim adduximus, velimus intelligi exemplo; sed, quae in sequentibus bona fide sumus in medium daturi, ut plurimum quoque omnibus. Quinque, verbi gratia, circiter mensium embryonis ossa, scilicet Femoris, Tibiae, Humeri, Carpi, Metacarpi, Tarfi, Metatarfi, suis una cum Epiphysibus, necnon Phalangarum consequenter articulationem intuiti sumus, in quibus omnibus Epiphyses non tantum erant cartilagineae; sed etiam notabiliter, quam in priori exemplo, maiores. Diaphyses vero genuinae erant in omnibus osseae indolis.

5. Notamus porro in Adpendicibus, quod centrum seu media eorum pars incipiat ossescere, ac tandem in dies increcendo, moleque ossificationis aucta, reliqua etiam in peripheriam extensio, perfectam ossium induat naturam. Ita in ossibus variis binorum annorum infantis, hac de re certiores sumus facti, quum osseam Epiphysium molem speculareretur sensim fuisse auctam; quarum centrum extendebat sese partitim quasi, solidiorem induendo conditionem, in peripheriam.

6. Tempus, quo Additamenta, osseam vel duram quanta quanta transeant in indolem, determinari certum ac fixum haud potest: ceteris enim paribus, citius in tenerioribus, quam longioribus experimur id ipsum fieri. Hanc probarunt veritatem demonstrata nobis pueri, qui ludendo decem tantum numerabat annos, ossa, in quibus Epiphyses licet magna ex parte factae iamiam fuerint osseae; pro parte tamen hucdum erant cartilagineae. Vbi notare liceat: quod si huiusmodi Adpendices, lapsu, ictu, distorsione, vel quacunque alia vi illata, ab sua secesserint in adolescente diaphysi; mox facile claudicatio subnascetur.

7. Vniuersis, quas haecenus circa Epiphyses habuimus, observationibus addimus ultimo loco, easdem quandoque Apophysi quoque gaudere; et contra. Digitum intendimus inter alia, ad

Tra-

Trochanterem seu Rotatorem in osse femoris maiorem, qui est apophysis seu eminentia continua Epiphyseos.

Quod vero, ex aduerso, Apophysis quoque non raro habeat Epiphysim vel Additamentum cartilagineum, id clare patebat ex Trochantere eiusdem ossis femoris minore, qui in apice cartilagineus est, et sic eidem accedit tamquam Epiphysis. Idem illustrabatur quoque malleoli exemplo in Fibula externi, necnon interni in Tibia, aliis.

§. X X I I.

Postquam dicta breuiter de Epiphyseos indole notassemus, merito quaeri potest: Cui inseruit vsui Additamentum hocce? et cur non vera continuatione extenditur Diaphysis? Veteres, inter quos Hippocrates, dixerunt Epiphyses esse ossium quasi ventres. At Galenus dein duplicem earum usum nobis reliquit.

a. Quatenus scilicet magna earundem pars, ossium fistulorum medulloforumque constituit extrema; vt his pro operculo quasi essent, sicque impedirent, ne medulla ex iis efflueret.

b. Vt latiori essent ossa basi, sicque articulos redderent firmiores; necnon ad certiorum motum exercendum, amplitudine sua fabricae eorum famularentur.

His recentiores Adpendicum naturam ac fabricam paullo sagacius introspicientes, addunt sequentia in adultis commoda:

c. Quod ad ossium cellulis suis multum conferant leuitatem, medullae collectionem, consequenter debitam ossium nutritionem.

d. Prominentiis vero suis, vim musculorum circa tendines, ad formandos incessus firmiores, augeant.

e. Musculorum extremitatibus locum insertionis ampliorem praebeant.

f. Ligamentis, quae articulationibus inseruiunt, originem firmamque cohaesionem largiantur.

Praeter haec non desunt in embryonibus, infantibus quoque et pueris utilitates Epiphysium praestantissimae. Inseruiunt enim his

α. Mollitiae sua, vt, nempe, in vtero dum haerent materno, com-

commodius complicari, continerique angustiori in spatio queant.

β. Maior siquidem vasorum, quae in adulto sensim decrescunt, numerus, in infantum Epiphyfis decurrat; vberiorque inde in iis humorum habeatur copia: fauent profecto multum, vasis minimis liberum concedentes ingressum egressumue, incremento ossium: vt sic facilius, quamdiu homo crescit, elongari, adque debitam extendi magnitudinem possint.

γ. Frequentiores denique in pueris, quae alias haud difficulter in creberrimo eorum euenirent lapsu vel ictu, fracturas impediunt.

§. XXXIII.

Tres in osse Partes: (§. XX.) Epiphyfin, Apophysin et Diaphysin, diximus Veteres pariter, atque Recentiores considerare.

Visis iis, quae circa Epiphyfin autopstiae innotescunt; agendum nobis iamiam de Apophysi esset. Ast siquidem hanc ipsam, partim ex Epiphyfi quandoque exsurgere; partim denique ex media ossis substantia seu Diaphysi produci, (secundum Definitionem §. XX. duplicem exhibitam, necnon §. XXI. n. 7.) adseruerimus: hinc ex Epiphyseos, quam haecenus dedimus, descriptione; necnon ex iis, quae statim de Diaphyseos dicturi sumus indole, nisi nos omnia fallant, in quo natura Apophyseos, vtpote vtriusque sobolis aut propaginis, consistat, luculenter patebit. Quare, vt pluribus de huius indole agamus, iudicamus esse necessarium minime; sed solum obseruamus, distinguere easdem in *Veras* et *Spurias*: illas in Definitione (§. XX.) exhiberi; has vero (ad calcem n. 3. §. XXI.) quando scilicet Epiphyses, ad modum structurae, figurae, vsusque Verarum Apophysium, medio coniunctionis, Periosteo, in totum euanescente, cum ossibus successu temporis firmiter coalescunt. Hinc fit, missis *commodis specialibus*, quae in priuato ossium examine indagari et enarrari solent, quod in *generalioribus* fere omnibus, cum illis (§. XXII) conueniant Apophyses. Ad articulationes etenim, perinde sint eae cum vel sine motu, faciunt meliores; alias defendunt partes; impediunt luxationes; musculis, ligamentis, tendinibus etc. non solum insertionis locum praebent fixum; sed quoque vim eorum egregie augent.

D

§. XXIII.

§. XXIII.

Ordo iam requirit, vt de tertia et principaliori ossis parte, quae iuxta Definitionem (§. XX.) ob duritiem maiorem, corpus seu *Διαφυς* vocatur, in specie differamus. Circa quam cuncta, intus et extus sensibus nostris occurrentia, sequentibus exhibebimus in observationibus.

I. Quodsi a natura in filamenta subtilissima dispositae ossium particulae, subiiciantur Anatomicae contemplationi; tum ipsae *Diaphyses*, primum vtpote, et ante partes in ossibus foetus vel embryonis reliquas, duriores solidioresque induentes naturam, visui sese manifestant. In foetus, verbi gratia, osse Bregmatis aut parietali, qui postquam in ergastulo conceptus fuit materno, tertium tantum habebat mensem, ex fibris vel filamentis solidioribus, nullo vasculorum vestigio sese manifestante, constitisse *Diaphyses*, armatis, vt meminimus, oculis, in Anatomicis conspeximus demonstrationibus. At aliis in embryonibus, quorum alter intra quartum et quintum erat mensem, quinque vero iamiam totos conpleuit alter, fibrae viscebantur nudis oculis distinctissimae; et quidem ex centro, vel media parte, radiorum instar, in quantum earum permittebat figura, ad peripheriam exeuntes: quae prope originem seu centrum compactae et conuergentes, at peripheriam versus a se inuicem erant diuergentes. Centrum hoc *Diaphyseos*, ex quo fibrae seu filamenta, dicto statim modo, proueniunt, et quamprimum ossescere solet, a nonnullis *Stella ossea*; *Punctum* vero *Offificationis*, termino Artis, ab aliis denominari solet. *Stellam* ergo hanc osseam duriores longe et compactiorem esse, quam partem reliquam, palam est omni intuenti. Nec dissimile huic in osse Bregmatis habuit DOMINICVS GAGLIARDI experimentum. Ita ille: (r) „Exigua illa, ac „*centralis* huius ossis *pars* magis obdurata, ac prae ceteris perfectior reperitur, a qua, tamquam a suo centro innumeri *filamentorum* quasi *manipuli* ad futuras extenduntur, et cetera. ”

Si quaeras: Quanam huic rei subesse ratio potest? seu Cur
Stella

(r) vid. Anat. Ossium, p. 52. L. Bat. 1723. 8.

Stella ossea, aut media Diaphyseos pars, prius omni parte alia durior et compactior euadat? Responderi potest, musculorum ut plurimum in partem eam, id necessario requisivisse, insertionem. Sume ex pluribus in exemplum Deltoidem muscolum, qui ex humero et scapula trahens ortum, in medium ossis brachii inseritur cauda. Ni ergo ad eius insertionem durum esset os brachii, neque fibris compactum solidioribus; facile a se inuicem fibrillae diuellerentur osseae, sicque musculus Deltoides munere, quod sibi a natura maxime habet praescriptum, ut nempe eleuaret os brachii, penitus excideret.

§. X X V.

2. Ossium haec filamenta simplicissima seu fibrae tenuissimae, quas ita descriptas demonstratasque statim dedimus, non solum in formam membranarum explicantur ac extenduntur simplicissimarum; sed quoque laminae aut bracteas, iuxta congeriem suam, quae sibi inuicem conueniente numero ordineue incumbunt et vniuntur, formant constituuntque nunc plures, mox pauciores. Medium vero vnionis, quo partim fibrae simplices inter sese, replendo earum spatia, coniunguntur; partim denique formatae ex iis lamellae, interposito velut glutine aliquo, sibimet inuicem arcte adhaerent, est succus quidam peculiaris, quem osseum vocant Anatomici, et de quo (§. XXVIII.) infra pluribus. Id manifestum est ex eo, quod ubi gluten illud, seu succus osseus quocunque modo aut vi illata, ex lamellarum secesserit, fueritque expulsus, interstitio; illico hae a se inuicem separabuntur. Hoc experimentum in *Exfoliatione ossium*, dum plures laminae tales osseae in carie ab sese inuicem secedunt, exacteque separantur; necnon in *calcinatis ossibus* luculenter cuilibet videre est. Conspectimus et nos huiusmodi fibrarum plana, aut sibi incumbentes laminae plures, verbi gratia, quinque aut sex, humano in cranio. Immo in foetus quoque trium tantum mensium osse Bregmatis, duo talia plana vel lamellae visui nostro sese manifestabant haud armato.

Prout ergo varias observamus ossium crassities; ita per succes-

sua eorum incrementa, diuersae numero, plures scilicet vel pauciores, ex quibus constant, visuntur eorum laminae. Differunt quoque saepius in longum et latum sui extensione. Dantur enim in quibusdam ossibus exteriores interioribus, quae successiue decrescunt, longiores latioresque lamellae. In aliis contra reliquas omnes longitudine superant internae, latiusque in perimetrum ossis sese extendunt; dum externae sensim sensimque breuiores reduntur, atque in centro ipso ad Stellam osseam, vbi omnes concurrunt, ossis crassitiem insigniter augent. Haud sinunt nos his de rebus dubitare ossa, quorum exteriores laminae *ulcere*, vel interiores *carie* erant olim adfectae; necnon ex quibus, siccum per aërem, aut aestum solis vehementiorem, gluten illud seu succus gypseam habens naturam, qui fibrarum laminas intime sibi inuicem iunxerat, expulsus in auras auolauit.

§. XXVI.

Quae cum ita sint per experientiam; pace magni Viri, non possumus, ingenue fatemur, in sententiam Cel. BOEHMERI, qua adferit simplicem contactum ad laminas sibi inuicem adnectendas sufficere, quamuis primo intuitu videatur probabilis, concedere. „ Ita ille: (s) Contactus hicce perfectus squamulis coaptandis ac colligendis sufficit, sicuti iuxta BOYLIANA experientia in laeuigatis, ex aere, vel alia densa materia confectis laminis, firmam cohaesionem solo contactu produci posse constat. ”

Praeterquam etenim, quod tam laeuigatam, qualis in adductis similibus, aut arte factis obseruatur laminis, superficiem, quamuis spatiosa fibrillarum, ex quibus conflatae sunt, succo repleantur; propter poros, quos ad medullae transsudationem habent longitudinales et transuersos in infinitum, (vt mox videbimus) nec quidem mente amplius concipere in bracteis osseis possumus: addere liceat quaestionem: cur ergo in casibus (§. XXV. praecedenti) citatis, licet superficiès lamellarum quoad laeuitatem farta tecta-

(s) vid. Inst. Osteol. §. 42. p. 21.

teſtaque manſerit, non amplius per ſimplicem contactum inter ſeſe vnire ac adhaereſcere eaſdem poſſimus?

Noſtram vero, niſi fallimur, hac de coniunctione ſententiam, experimenta in Phyſicis Lectionibus ab Celeberrimo D AVIDE HAHN, Viro tam ad internas, quam externas rerum proprietates extricandas, ſi quisquam eſt alius, a natura factò, publice priuateque ſaepius coram nobis producta egregie confirmant. Sumuntur ſcilicet, inter alia, duae laminae vitreae, quibus aliquid fluidi aquei, ad poros obſtruendos; ſuperficiesque laeuigatiores reddendas interponitur, (t) quo mediante laminae ſibi ſuper impoſitae cohaerent arctiſſime.

Tanto minus, quem GAGLIARDI ad lamellas validius connectendas in natura arbitratus eſt ſibi videre, amplectimur vnionis modum. Putabat ille diuerſis offiſculis exiguis naturam ad hanc coniunctionem indigere, quibus ideo a forma, et conſimili modo, ſquamulas connectendi officio, non ſolum *Clauiculorum offeorum* impoſuerat nomen; ſed quoque varias, tum internorum, cum externorum finxerat ſpecies. (u) Clauiculos diſtinxit externos *in perpendiculares acutos, perpendiculares capitatos, oblique ſituatos, et inflexos, angulum efformantes*. Internos diuiſit in offiſcula *ad formam clauiculorum ſine cuspide, ramuſculorum reſciſſorum, et breuiora*; atque ita in vtraque offium ſubſtantia, pro partis indigentia, nunc pauciores, mox plures deprehendi clauiculos offeos, ſibi eſt imaginatus.

Verum enimvero negamus et nos cum Cel. „ BOEHME-
 „ R O (x) iisdem naturam in conpingendis bracteis vti *re ipſa*
 „ velle; ſed potius experimur tantum contingenter ab *arte* pro-
 „ duci. Propter cohaeſionem (§. XXV. praeced.) etenim fir-
 „ mam, integrae ſquamulae ſeparari ab ſe inuicem nequeunt,
 „ quin remaneant (adde, quandoque; nec ſemper) feſtucæ, ſiue
 ab-

(t) vid. Elementa Phyſicae, immortalis memoriae PETRI van MVSSCHENBROEK C. XVIII. §. 394. n. 3. p. 164. Lugd. Bat. 1734. 8. (u) vid. Anat. Offium Obſ. II. VIII. p. 13-35. L. Bat. 1723. 8. (x) vid. Libro cit. §. 45. p. 22.

„ abrupta filamenta diuersae figurae, Auctori citato sub praeparatione tamquam proprii ossium clauiculi visa.

§. XXVII.

3. Externam fibrarum ex Diaphysi directionem ac compositionem considerantes, omnia ossa in tres classes: *Planorum*, *Fistulosorum* et *Spongiosorum*, dispescere commode possumus. Habentur etenim ossa, quae lineari filamentorum directione in planam extenduntur latitudinem, vt sunt (§. XXV.) ossa Cranii, id est, Frontis, Parietalia, Occipitis, Pectoris, cetera. Aliorum laminas ex fibris (§. XXV.) contextas, videmus ita conuolui ex planitie; vt conorum, cylindrorumue formam induant, cauitatemque intus relinquunt. Huc fer (§. VI. n. 2.) columnas corporis humani: ossa femoris, tibiae, fibulae, et (n. 7.) vectes: brachii, ulnae, radii, plura. In tertia denique classe locantur, quorum fibrillae tenuissimae, exteriores aequae ac interiores; alias tantum interiores, cursum obseruando varium, per lineam transuersalem rectam, obliquam sese interfecant; atque sic cum inter semet, tum quandoque exteriori tenuiori et poroso integumento osseo cohaerentes, complicationes varii generis atque diuersas reticularis texturae cauernulas formant. Id claret ex ossibus (§. XI. et XII.) narium Turbinatis Superioribus aequae atque Inferioribus, necnon intus cellulosis. Haec *Spongiosa*, illa *Fistulosa*, ista *Plana* denominantur ab Anatomicis ossa.

4. Alii respectum habentes ad interiorem solum ossium fabricam nonnisi duo constituunt eorum genera. Priora, quae cauitate sunt instructa aliqua, vocantes *Cava*, vt sunt in primis *Fistulosa*: et posteriora, vt statim ex parte innuebamus, *Spongiosa*, quando plures subtilissimae ex lamina ossis intima exeunt fibrae, quae diuersimode inter se coeuntes, cancellos constituunt et cellulas varias, ad eam plane formam, quam in fauo mellis apium admiramur texturam artificiosissimam. His filamentis ob munus, quo construendis in cellulis istis defunguntur, *Septorum* vel *Diaphragmatum ossium* nomenclatio ab Anatomiae Magistris indita est. Vt plurimum autem ossa, media in parte sunt vacua, atque
in

in extremitatibus habent cellulas, aut diaphragmata ossea, quae statim descripsimus. Sunt et qui animadvertere solent, fundum quoque cavitatis ossis, esse quasi reticularem. Quod etiam nos alienum esse a veritate, diuersis in ossibus experti sumus minime. Vnde patet pauca dari ossa, sola tantum cavitatem maiorem praedita, quin simul spongiosam seu cellulofam aliqua in parte redoleant naturam.

Ex his in compendium datis, iudicari nunc facile potest, quid de *lamellis internis*, diuersa ossium caua formantibus, quas G A-GLIARDI (y) in tres primarias potissimum diuisit classes: *Corrugatas* scilicet, *Perforatas* et *Reticulatas*, sit nobis sentiendum. In epitome exhibens easdem Cel. BOEHMERVS, (z) otium hac in re nobis fecisse videtur. Nec nisi sententiam, quae hic nobis eadem cum Cel. Viro arridet, verbis exhibemus ipsissimis:

„ Negandum quidem non est, reperiri interius maxime in ossibus, partes lamellarum corrugatas, perforatas, reticulatasque:
 „ hae vero nequaquam pro distinctis a se inuicem habendae; sed
 „ tamquam confluentes intimeque adunatae considerandae sunt:
 „ quas vnicam tantum referre filamentorum conpagem, hinc inde corrugari, (seu ad instar tunicae internae intestinorum villosae, rugis prominentiisque variis inaequalibus plus minus
 „ complicari;) alio loco ad formam cribri perforari, (relictis hinc inde interstitiis et foraminibus diuersimode configuratis;) et
 „ circa extrema maxime, vel in spongiosis ossibus, in reticulatum opificium confundi, distincte TAB. III. FIG. H. docet. Qua
 „ propter etiam, iuxta cohaesionis leges, clauiculis (§. XXVI. praeced.) memoratis, in adunandis eiusmodi lamellis internis
 „ opus non fuit. ”

§. XXVII.

5. Obseruare nobis licet ossa, olei cuiusdam genus, iugiter exsudare vniuersa in superficiem externam. Habent nimirum hinc inde lamellae non tantum maiora foramina, ad vasa arteriosa ac venosa,

(y) Libro cit. Obs. III-VIII. p. 24-42. (z) Libro cit. §. L-LIII. p. 24, 25.

noſa, quae offibus nutriendis, medullae ſecernendae, ſuperfluo-
que ſanguini reuehendo inferuiunt; ex perioſteo externo trans-
mittenda; aſt quoque minora, quae poros vocamus tam longitu-
dinales, quam tranſuerſos, oleoſo aut medullari ſucco, per ſu-
doris formam, exhalando conſecrata ac deſtinata. Quorum ta-
men Pororum non idem eſt in omnibus offibus numerus et copia;
ſed pro perfectiorum atque imperfectiorum offium varietate longe
diuerſus: in horum etenim extremitatibus, necnon cellulofam ha-
bentibus fabricam multo plures; quam in illis, deprehendimus.

Quas naturam in offium interioribus (§. XXVII.) formaſſe cum
maiores, tum minores, innuebamus cauitates; abſit, vt eas aut
inanes inutilesue, aut vero abiecta, nulliusque fragis ac oneroſa
credamus eſſe materia repletas: quin potius, quotidiana nos docet
experientia, ad inſignes parti, quae eam continet, vſus praestan-
dos perquam neceſſariae materiae cuiusdam, quae ſimul delicata
depuratiſſimaque gaudet indole, reſpositoria eſſe maxime congrua.
Per quam materiam, hic ſeparatam, adque offibus immediate in-
feruiendum, adſeruatam, indigitamus particularum, oleoſa ac
pinguedinoſa natura praeditarum, quae ſanguini prius innata-
bant, nunc ab eodem ſecretum coagulum: quod quatenus indura-
tum principium ſulphureum a coniunctione particularum ſalinarum
fixum exhibet, necnon ſecretionis atque collectionis locum in
maioribus offium fiſtuloſorum cauitatibus habet; vocamus *Medul-
lam* conſiſtentem, natura ſebaceam: in quantum autem, propter
abundantioſiorem, quibus diues eſt, particularum oleoſarum co-
piam, inter planorum laminas, aut extremis offium, atque ſpon-
gioſis cellulis haerentem, ipſum liquefactum refert oleum ani-
male; *Medullaris* ſeu *Medulloſi* obtinuit nomen *Succi*: Vtrum-
que tandem titulo communi, *Succus nutritius medulloſus* adpella-
tur. Ex hac breui deſcriptione, ni fallimur, quomodo Ca-
ries per omnes offium lamellas progredi facile poſſit, haud obſcu-
re percipimus. Oleum ſiquidem illud poſtquam quacumque de
cauſſa contraxerit acrimoniam; per omnes ſenſim bracteas, poris
vtriuſque generis peruias, ab intima (§. XXV.) verſus extimam,
particulas vehendo ſecum acriores, non difficile eſt intellectu,
quomodo eaſdem erodat ac deſtruat.

Do.

Docemur quoque exinde, qui possit fieri, quod valido ac celeri exagitata motu animalia, tantam quandoque huius olei medullaris copiam exsudent; ut ossa eorum post commotionem, fere in totum inania vacuaque reddantur. Quae considerationes inter alia, locis (j) Scripturae Sacrae adspargere lumen possunt.

Quo maiores itaque et plures numero in ossibus quibusdam inveniuntur pori, accedente simul maiori vel minori commotione; eo plus huius succi medullofi per eosdem transmittitur: et contra. Hinc ratio haud probabilis modo; sed quoque, vlllo absque dubio, certissima dari a nobis potest: Qui fiat, quod quamvis ad friabilitatem vsque, solis aestu exsiccentur ossa; tandem tamen iterum iterumque euadant oleosa, transsudando sic per poros, ut flavescant egregie prae oleo hocce animali. Illustrantur rursus haud inepte ex his Sacri textus (v) Codicis. Cuncta vero haec, non ex imaginatione, quis nos existimet scribere; verum ex ipsa, quam in ossibus licuit nobis habere diuersis, autopsia.

In Quaestionem trahi nunc hic potest: Vtrum, quod sic Cavitates implet ossis varias, purum putumque sit oleum? Minime gentium; sed est substantia heterogenea, ad quam periosteum internum, vasaue plura humores huc aduehenti arteriosa, concurrere videntur. Tunicae etenim eorum aut inuolucra extima, per sua filamenta magis ac magis elongata, expanduntur: ex quibus membranis tenerrimis, partim, ad formam reticuli subtilissimi, vesiculae et sacculi; partim denique tubuli, surculi ac folliculi valde exiles, cuncti fecernendo adseruandae nutritio succo medullari adcommodatissimi; iuxta tamen ossium varietatem, diametris suis atque figura multum ab inuicem diuersi, mira profecto arte, propagantur, modificantur, necnon intertexuntur.

§. XXVIII.

Patet rei huius veritas, si quis dubitet, *a.* Diffraetis ex ossibus manifeste. *b.* Ex trepanatione, in qua sanguineas, ex vasis sanguinem ad diploem vehentibus, exstillare videmus guttulas. *c.* Varias vasculorum aut vesicularum ostendunt quoque microscopia concamerationes, necnon tubulorum follicu-
lo;

(j) Iob. 30: 17, 30. (v) Iobi 21: 24. Prou. 3: 8.

lorumue inter sese meatus communicantium congeriem cellulofam. Dicit hanc in rem (a) HAVERSIUS. „ In exiguo medullae „ frustulo, quando oleum est induratum, ope microscopii inspe- „ ctæ (nempe vesiculae) repraesentant racemum margaritarum „ exilium, quarum vna alteri adhaerescit. In osse humano, quod „ adseruavi, vsque dum oleum penitus fuerat euaporatum, hæce „ vesiculas remanentes et exsiccatas, integras nihilominus obti- „ nebam; earumque substantia spongiae ad instar se visui offere- „ bat. ”

d. Eadem certe, neque his dissimilia, in praeparatis, vt vo- cantur termino artis, seu iniectis colorato fluido subtilissimo ossium medullosis substantiis, hisce nostris vsurpauimus oculis.

e. Quid? quod si tepida in aqua sensim sensimque medulla mo- ueatur; mox folliculi et tubuli, immo membranulae aut vesicu- lae subtiliores, secedere ab sese inuicem, distincte visentur.

Merito ex his itaque concludimus: medullam in ossis cauo con- tentam, non purum putumque esse oleum; sed simul cum parti- culis oleosis, folliculorum et partium membranacearum, in qui- bus illae secernuntur et adseruantur, mira paeditarum subtilitate congeriem.

Vasa vero illa arteriosa, quae, dicto statim modo, vna cum periosteo interno, folliculis medullaribus praebent originem, non solum cellulofam, per foramina Diaphyseos, intrant ossis substan- tiam; ast ipsas quoque Epiphyses (§. XXI.) perambulant copio- sissime, eodemque in iis defunguntur munere. Huius non minus atque prioris adfert, ipsa praeparata siue iniectioes, distincte a nobis lustratae, fidem extorserunt certissimam.

Quis est huius Succii Medullosi vsus? Insigniter profecto, varia- que ratione videtur is ossibus esse utilis. Praeterquam quod et- enim, vt ex denominatione (§. XXVIII.) claret, nutriat eadem; omnes ossium fibras et lamellas sibimet ipsis super impositas, vniuersam adeoque inungendo iugiter eorum substantiam; varias aduersus iniurias, ictus, lapsus, pressiones, et quamcunque vim
aliam,

(a) Libro cit. p. 197.

aliam, quibus sensibile damnum, ut sunt: friabilitas, fissura, fractura, cetera, induci iisdem possent, egregie defendit, praestatque securam.

Huc spectat nunc gluten illud oleosum (§. XXV.) inter ossium lamellas repertum: quod sicuti easdem ad sese inuicem adhaerescere facit; ita per vinctuositatem suam, ne ictu, motu, vel quacunque violentia maiori, laederentur atque frangerentur, in debito easdem mollitiei temperamento seu flexibilitate necessaria, continet et conseruat.

Hinc reddi ratio potest, cur in senescentibus longe fragiliora rigidioraque, quam in iuuenibus, deprehendantur ossa? Vis vitae siquidem, seu vis cordis, per longiorem annorum seriem, in senibus imminuitur; et arteriae, quae antea systolen ac diastolen pariter, atque cor, obseruabant ordinariam, seu: elasticam per naturam sufficienter dilatari, contrahique sese iugiter per sua fluida patiebantur, sicque sanguinem in omnes corporis sui partes, abundanti propellebant in copia, hanc vim suam sensim sensimque amittunt, rigoremque contrahunt. Hinc fit, quod non possint liquida sufficienti celeritate ac copia ad ossa peruenire; sicque haud possit satis glutinis oleosi seu medullaris succi, ad inungendas, ac debita ratione, ut in iuuentute fiebat, molles, flexilesque seruandas ossium bracteas, maxime necessarii, fecerni, perque poros earum quaquauersum deduci. Ex quo tandem succi medullaris defectu, quod erat demonstrandum, leuior quaecunque accesserit causa procatactica, suo cum damno maximo, aetate prouectiores, facile fissuris vel fracturis in ossibus adficiuntur. Lege huc, et, si non habeas, quocunque conpara Tibi pretio elegantissimam non minus atque eruditissimam, Viri longe longeque Celeberrimi IOANNIS OOSTERDYK SCHACHT, Orationem recitatam A. 1729. Traiecti Inauguralem, qua, senile fatum ineuitabili necessitate ex humani corporis mechanismo sequi demonstratur.

§. X X X.

Articulis porro, et quae ad eos pertinent, Ligamentis ac Cartilaginibus prospicit idem succus quam saluberrime, praebendo in-

tra eorum iuncturas per meatus, qui in ossium extremis visuntur conspici, ad mala varii generis, quae (aa) ex siccitate, adritu nimio, incalescentia aut fervore imminere illis alias possent, praecauenda, synoviam aut liquorem glutinosum. Lubricat ergo non solas, tantum ossium extremitates in articulis; verum ligamenta, et quae huc spectant, cuncta servat quoque flexibilia sequaciaque: ut ad maiores ac necessarios saepe corporis motus exferendos, situmque promptius quacunque ex causa immutandum, redderentur aptiora. Cum liquore enim mucilaginoso, qui per peculiare glandulas in iuncturis collocatas separatur, miscere sese, eidemque opem ferre in actibus istis videtur: ita quidem, ut licet tam ossium extrema, articulis dedicata, laevia admodum politaque sint; quam ligamenta cartilaginesque mollem utcumque ac flexibilem habeant naturam: absque tamen hac olei et mucilaginis mixtura, non eadem promptitudine et facilitate, imperio musculorum eadem mouentium obtemperarent. Nouimus aurigas, vel qui curribus, rhedisue operam dant dirigendis, imitari id naturae opus volentes, interiorem rotae modulum ac extremum axis, circa quam rota mouetur, oleo suo vel mucilagine, quae ex adipe piceque liquida ab iis componitur, inungere subinde solere. Si quaeras: Quem in finem? Ad detritum vehementiorem, procul omni dubio, mitigandum: necnon, qui per pernice rotae circa axim conuolutiones, adeo interdum intensus; ut instrumenta eadem in flammam abeant, producit, calorem praeuertendum ac praecauendum. Humanis haud absimiliter in iuncturis, per hanc synoviam medullosam, aduersus praeternaturalem adtritum, et consequenter incalescentiam a motu violento oriundam, prouisum est a natura quam sapientissime: alias etenim, vel lentis tantum ac deliberatis defungi poteramus motibus; vel si necessitate coacti urgentissima, gressus aut cursus festinatos valdeque praecipites, velut accidit quandoque, instituissimus; tor-

por

(aa) Vide huc Scripturae Sacrae Loca: Iobi 19: 20. 30: 30. Psal. 102. 6. Thren. 4: 8.

por profecto ingens, exque eo oriundae aegritudines diuersae inuadere corpus nostrum debuissent.

Mala vero, quae in articulis, ut plurimum quidem prouecta nimium confectos aetate mortales, at interdum etiam scorbuto et lue venerea infectos, miserum in modum excruciant, non solum ex succi medullofi defectu; sed quoque ex foraminulorum vasorumque in articulationibus distincte a nobis conspекtorum obstructionibus, eoque magis, si acrimonia fuerit iuncta, explicare non incongruenter possumus. Si enim illa in dictis homuncionibus per lentos, viscidos ac tenaces humores obstruantur; palam est viam praecludi, qua succus iste peruenire ex ossè deberet ad articulos, sicque synouia ad partes eorum inungendas ac lubricandas maxime necessearia destitui.

Haec ratio, verbi gratia, tum in dolore, qui in eorum articulis sentitur; cum strepitu ac crepitatione iuncturarum, adeo saepe violento, ut sonoris aëris particulis impressus per eum motus, adficere sensum auditus perceptibiliter valeat, nec alia, habere locum debet.

§. XXXI.

Tertium eorum, quae ossibus (§. III.) intus et exterius proxime aduectuntur, est *Periosteum*. Per quod intelligimus membranam tenuem atque transparentem, internam aequè atque externam ossium superficiem immediate obtegentem, quae ex filamentis curiosissime contexta est minutissimis, sensuque praedita acutissimo. Loca tamen fortassis, secundum aliquos, ad musculorum tendines inferendos, ac ligamenta, capsulasque recipiendas; vñlo autem absque dubio, corona dentium super gingiuas eminens, ab hoc inuolucro ossium vniuersali excipiuntur. Datam ergo iuxta definitionem, cum *Periosteum* intus et extus ossa inuestiat; haud immerito in *Internum* et *Externum* ab Anatomicis distinguitur, licet eadem sit vtriusque indoles. De *Interno* (§. XXVIII. et XXVIII.) iniecimus verbo mentionem, cum vesiculis ac folliculis originem ex parte dedisse adseruerimus medullaribus. *Externum* rursus, pro partium ossearum, quarum est inuolucrum, differentia, recepit quoque nomina diuersa. In quantum etenim ossa inuestit cranii, vocatur *Pericranium*; a mur-

nere cartilagine obtegendi, *Perichondrium*; cum per officula, ex quibus orbitae oculorum componuntur, sese expandit, *Periorbita*; *Peridesmium* denique, quatenus tendinibus ac ligamentis dat inuolucrum. Eadem quoque ratione, varias secundum partes, tenuitatem eiusdem obseruamus diuersam. In altera enim tenuior magis, densior paullo ac crassior videtur esse in altera, perque consequens minus transparens: est tamen vbique locorum eadem membrana, vasis tam arteriosis, quam venosis ditissima.

Si Anatomicorum inquisuerimus monumenta veterum; non adeo de huius membranae origine, quam hodie recentiores,prehendemus fuisse sollicitos. Hi itaque paullo plus, prae illis, operae hanc in rem conferentes, plerique (*b*) non dubitant adferere, Periosteum, aut in specie, Pericranium a Dura Matre per futuras prouenire; indeque easdem, quibus haec gaudet, habere dotes: ita quidem, vt si Dura Meninx caruerit sensilitate; tum etiam Pericranium: et contra.

Ast, pace tantorum Virorum sit dictum, productio eiusdem demonstrari Dura ex Matre potest nullibi: nam in infante Pericranium separari ab Cranio, consequenter Dura Matre, potest exactissime; nec nisi vasa habent quaedam communia.

Vnde, cum aliis Celeberrimis in re Anatomica Viris, dicimus et origine, et dotibus ab inuicem esse distincta. Plurima vero tam in Pericranio, quam Perichondrio adesse vascula, et quidem ex centro in peripheriam tendentia, liquido iniectae subtilissimo eorum partes, quas demonstratas iucundo cum sensu creueramus, haud sinunt nos amplius dubitare.

§. XXXII.

Missis nunc aliis, quae considerari circa Periosteum adhuc possent, properantes ad finem Dissertationis, vsus tantum, quos Periosteum ossibus praestat non contemnendos, iamiam enumerabimus.

I. Eiusmodi haec membrana constituit ossium inuolucrum, ex quo

(*b*) vid. PH. AD. BOEHMERVS Inst. Ost. p. 32. et ante eum HAVERS p. 19.

quo patere facile possit, quamvis quis suspicaretur, nullos praeterea praestare eandem usus necessarios, decori tamen inferuire.

2. Quamdiu ulterius expandi apta est, tamdiu ossibus, ut crescant, dimensionesque suas quaquaversum amplificent, non ponit obicem: at ubi extendi augerique amplius, sine rupturae periculo, haud valet; inhibet tunc, accedentibus etiam caussis aliis, augmentum extensionemque ossium ulteriorem, sicque limites in incremento maiori iisdem ponit.

3. Cum a laesione Periostei, varii ossium morbi, ut exostoses, tophi, caries, cet. provenire soleant; hinc donec persistit integrum, ab diversis tuetur eadem iniuriis.

4. Ad coniungendas Epiphyses (§. XXI. n. 2.) cum suis Diaphysibus multum confert; ut et ad ossa cum cartilaginibus: dum interea, quae per futuras et harmoniam iuncta sibi sunt, horum cohaesionem egregie roborat; necnon capita tendinesque musculorum firmiter interdum cum ossibus connectit.

5. Insignes, omnino fatemur, quas hactenus recensuimus, et maxime necessariae Periostei sunt utilitates; princeps tamen videtur earum esse, Vasa omnis generis, quae cum suis inferuissent fluidis, ac superflua reueherent, ad ossium substantiam ducere. Vnde triplicia Haversius (c) vel sanguinem solum ad Pericranium aduehentia videtur memorare vasa α . quae scilicet ad cartilagines. β . ad ossium lamellas. et γ . in eorum cavitates ad medullam tenderent. At hanc triplicem vasorum liquida in pericranium adducentium classem, dedisse tantum ex ingenio, nec unquam demonstrasse Haversius, censetur ab Anatomicis pluribus. Quemadmodum etenim aliis in corporis humani visceribus, tam ad eorum nutritionem, quam humorum, quibus destinata sunt a natura, secretionem, verbi gratia, ad renes, ad testes, cet. ut plurimum per unum idemque vas, fluidum aduehitur sanguineum: haud secus in pericranio quoque, dubio procul, pro synovia, ossis nutritione, atque medulla secernenda, eadem vasa humores adducentia sufficere videntur cum maxime.

§. XXXIII.

(c) Libro cit. p. 66, 67. 209.

§. XXXIII.

Ea hæcenus, quæ partim Chemicas per operationes, Anatomicas partim per obseruationes, seu autopsiam, innotescere nobis de ossibus poterant, (§. XVIII-XXXIII.) rudi simplicique descripsimus calamo. Ex quibus, vt ad Quaestionem (§. XVIII.) soluendam, difficultatemque, si fieri possit, tollendam, iudicium depromamus, tempus iam profecto et occasio nos monent. Ad quod felicius tutiusque præstandum, breuiter adhuc obseruemus sequentia. Inter partes corporis nostri solidas, *filamento* aut *fibra* nihil possumus simplicius concipere. *Fibra* simplicissima, per Definitionem (d) constat ex partibus minoribus secundum longitudinem sibi mutuo adpositis. „ Hæ partes fibram constituent-
 „ tes, non amplius diuidendæ in minores, vocantur elementa
 „ fibrarum. *Elementum* enim dicitur, quodcunque minima est pars
 „ illius rei, cuius est elementum. Quæ ex binis talibus elemen-
 „ tis secundum longitudinem sibi adpositis concreuit fibra, est
 „ omnium minima. Vnicum tale elementum, solum considera-
 „ tum, non facit solidum, sed in fluidis hæret. Combinata ele-
 „ menta fibram constituunt.

„ Quomodo iam hæ fibræ nascuntur, quaerit VIR Illustrissi-
 „ mus? Certe adultus homo, ducentas libras pendens, in prima
 „ sua origine, latuit in spumantis libidinis guttula, et ex tantilla
 „ molecula excreuit in tam vastum pondus; totum illud augmen-
 „ tum in *solidis partibus* per *fluida* adlatum fuit. Docent hoc
 „ MALPIGHIANÆ obseruationes in ouo incubato factæ,
 „ iam tentatæ ab HIPPOCRATE, vbi ex albuminis adtenua-
 „ to liquido, per incubatum intra 21. dies, pullus iam solida fir-
 „ ma adeo habens, ex inuisibili molecula creuit. ”

Ex quibus Illustrissimi VIRI dictis perspicuum est, *fluida* dare originem minimis, simplicissimis, terrestribus Microcosmi atomis, seu elementis *fibrarum*; et *has* iterum, vniuersas consti-
 tue-

(d) vid. Comment. Illustr. Baronis GERARDI van SWIETEN in Aphorismos immortalis memoriae M. BOERHAVII T. I. §, 21. p. 19. 20. L. Bat. 1752.

tuere partes solidas, (§. III.) siue molliores, siue rigidiores illae fuerint. Sunt alii Viri Docti, qui ex ossium, musculorum, ligamentorum, tendinumque inspectione, pro axiomatice adsumunt hanc propositionem: „Dantur *fibrillae* seu *fibrae*, solida corporis „humani corpuscula componentes, (*e*) vel *membranaceae* vel *osseae*, mutuo nexu sibi inuicem iunctae et intertextae, quae „modica vel paullo maiori instructae latitudine, nunc lineam „perpendiculararem, mox diuersos directionis cursus obseruant. Hoc tamen non obstante, idem „Vir Celeb. mox (*f*) in sequen- „tibus, ossa fistulosa omnia planaue tantum *membranescere*, et „iuxta fibrarum directionem citius indurescere adferit.

Dubium superest nullum, quin filamenta seu fibrae, de quibus (§. XXIII.) verba fecimus, constituent ossa; sed quaeritur: (§. XVIII.) Vnde est Ossium soliditas? Ad quam Quaestionem, prout duplex est Anatomicorum hypothesis, responderi bifariam solet.

Alii, scilicet, dicunt ossa ex vasis collapsis et concretis originem ducere, ea quidem ratione; vt osseae fibrae omnes, primum fuerint cauae, et dein cum tempore, expulso vasculorum tubulorumque liquido, latera eorum collabantur, sicque secum inuicem concrecant, ac in solidam abeant indolem. Immo hi Viri Docti, duorum mensium, vel sex circiter hebdomadarum embryonem, non verentur adseuerare, esse tantum congeriem vasculorum et partium membranacearum, nec vllam habere adhuc soliditatem.

Altera Physiologorum et Anatomicorum hypothesis est, qua affirmatur, prima in origine sua, fibras ossium nunquam fuisse vasculosas; sed contra solidas, ex elementis aut particulis terrestribus, solidisue constantes, quae nec aqua, nec ratione naturae suae, vlllo modo sunt mutabiles.

Sub examen nunc reuocemus vtriusque Sententiae, quibus sese tuentur, argumenta.

§. XXXIII.

(*e*) vid. Cel. BOEHMERVS Libro cit. §. III. p. 2.

(*f*) §. XXVII. p. 12.

§. XXXIII.

Hypotheseos patroni prioris argumentum petunt ex multorum, quae in adultis saepe conprimuntur, sicque coalescunt eorum parietes, ut in ligamenta abeant solidiora, vasculorum analogia. Fibras ossium haud absimiliter, per vasculorum minimorum compressionem, parietumque eorum coalitum, in embryonibus, existimant eam, quam prae se ferunt, duritiem in origine induere. Respondetur ab aliis ad hoc: Vix talis compressio vasculorum, quam in adultis observamus formare ligamenta, habebit in embryonibus vtero materno conclusis locum; tanto minus in iis, qui ad suam originem seu conceptionem, cum nempe osseae formari debent fibrae, sunt propiores.

Alia desumitur ab illis ad probandam sententiam suam ratio, ex comparatione Iniectionis, quae fit in adultorum atque infantum ossibus. Nam si, aiunt, infantum ossa liquido subtilissimo, iuxta artis regulas, Iniiciantur quamfelicissime; mox in his, circumque eorum peripheriam, longe plura; quam in adultorum ossibus iniectis, licet eodem res peragatur cum successu, videbuntur vasa. Ergo hinc quoque ad suam concludunt hypothesein.

Reponunt aduersarii, agnoscentes, factam in embryonis aut infantis ossibus iniectionem felicissimam, plura omnino demonstrare, ut et reuera sunt, vasa: maior etenim vasculorum, donec ad incrementi acmen, infantis perueniat corpus, requirebatur numerus. Hinc fit etiam, quod hepar in infante, per hanc vberiore vasculorum copiam, longe sit mollius, quam in adultis. Ita quoque officula eorum, non diffitentur hi Viri Docti, pluribus gaudere vasculis: negant tamen ac pernegant hoc argumentum demonstrare, tanto minus euincere, verbi gratia, os Bregmatis in origine sua fuisse vasculosum: plus etenim, inquiunt, quam est in praemissis, infertur in conclusione, contra Logicorum regulam.

Vrgent porro tamen, adfirmatiuam tenentes sententiam, leuem compressionem vasculorum ad inuicem, quatenus alterum ab altero sensim sensimque conprimeretur, atque ita in solidam abirent fibram.

Respondent alii, certum esse, omneque extra dubium, hanc
con-

conpressionem in adultis locum haud raro obtinere: vt in hepate, vnde scyrrhus nascitur; ita quoque in pulmonibus, cet. Ast an eiusmodi in foetu minimo detur compressio vasculorum ad se inuicem, vt statim ad primum monuimus argumentum, est longe alia quaestio? Sicuti namque in hepate, ita in cunctis partibus eius aliis, vasa inter atque eorum humores, proportio adest maxime aequalis: quae proinde talem neuiquam admittit in fibrarum ossearum origine conpressionem, quin potius excludit omnem.

§. XXXV.

Quae cum ita sese habeant; alteram et nos, priori vtpote longe probabiliorem, amplectimur hypothesin, sequentes ob rationes:

1. Iniectio etenim etiamsi, qua nulla vnquam, artis lege, possit felicior fieri, in embryonis ossibus, qui proxime erat ad originem suam, instituatur tam adcuratissima: fibrae tamen adsunt et remanent haud injectae, nec vnquam quacunque materia subtilissima iniiciendae.

2. Ossium substantia videtur longè aliud exigere, vt euadat solida, quam conpressionem meram: alias namque nulla esset ratio, cur non reliquae etiam molliores, vt muscoli, tendines, ligamenta, nerui, cet. diuersae indolis partes, aequae pressioni, si quae in vtero esset materno, expositae vel subiectae, osseam in embryone induerent naturam?

3. Neque adest vllus in foetu motus, qui per conpressionem, vt fit saepe in adultis, capax esset soliditatem ac duritiem vasculis eius minimis inducere. Verbi gratia.

α. Humore tenaci crassoue, qui per lentum vasorum motum adhaereret parietibus, atque ita cohaerere ac concreescere latera eorumdem faceret, embryones destituuntur. Atqui per eiusmodi tardum tenacis crassiorisque humoris fluxum solet interdum concretio vasculorum in adultis parari. Ita polypi hanc ob rationem facile in senibus nascuntur: deest quoniam in illis per longam annorum seriem (§. XXVIII.) vis vitae, qui defectus humorum caussatur lentorem, et hic iterum obstructions ac vasorum concretiones non difficulter. Ast in foetu, qui ergastulo inclusus est

materno, omnia contrarium adesse in modum deprehenduntur: fluidorum nempe tenuitas, necnon agilitas solidorum praesto est maxima.

β. Cum canales a corde remotissimi, impetum fluida propellentem non recipiunt; tunc quoque concretio, vel aliud mali genus, in vasis generatur. Sic Scyrrhus aut etiam gangraena in adultorum extremitatibus vix alteri, praeter hanc, suam debent originem interdum caussae. Sed haec quoque caussa habet locum in embryone minime.

γ. Vera conpressione externa concrefcere aliquando experimur vasa. Quemadmodum in hepate fit interdum praegressa inflammatione. Ast celerrimum vel tardissimum haec res quoque requirit motum: qualis status, cum sit morbosus, naturalem vel ordinariam in embryonis formationem haud cadit. Ex his ergo concludere nobis fas est tertium quoque argumentum.

Immo vero, quod plus est, vniuersalem ex haecenus recensitis argumentis facimus, breui repetitione, conclusionem: Quia scilicet fibrae, etiam in foetu, qui non plures, quam tres ab origine sua habet menses, prout ipsi inspectione percepimus, distinctissimae adsunt; neque dictae motuum, ac per hos conpressionum aut coalitionum species diuersae, possint locum in eodem vlla via naturali inuenire: hinc adferere nobis lubet cum altera hypothesis, fibras ossium in embryone vasculosas fuisse nunquam; sed ab ipsa origine prima soliditatem iugiter suam habuisse.

Instant tamen aduersarii obiicientes: Callus et clauus in manibus, pedibus, eorumque digitis habent originem a conpressione, quatenus scilicet, per caussas externas, velut labores, calceos, incessusque duriores, cet. magna vis vasculis infertur minimis, ita, vt liquido eorum expulso, non tantum parietes ad se inuicem accedant; sed quoque plura inter se talia concrefcant vascula. Haud absimiliter, aiunt, posse vascula in foetu minima conprimi, atque in fibras abire ossium duriores. Respondemus:

1. Exempla esse valde dissimilia: nam nec callus, nec clauus per conpressionem illam, vnquam ossis duritiem adquirunt.

2. Neque conpressio talis, quam caussae externae, laboresque clauis.

clavis et callo inducunt, cadit in embryonem, qui amnii liquore membranisque in matris utero undique circumvoluitur.

§. XXXVI.

Humanum corpus, quantum quantum est, ex *solidis liquidisque* (§. II. et XXXIII.) partibus Manu Omnipotenti fabrefactum esse, tam evidens est, quo evidentius et luculentius nihil in rerum natura potest esse. Ex quo Physiologorum et Anatomicorum axioma, aduersarios, quam in ossium fibris in origine negant soliditatem, eandem, licet nixus gradu differentem, debere in vasculis, quae praesumuntur fibris osseis ortum dare, agnoscere, non est difficile demonstratu. Si enim *vascula* illa, sint receptacula fluido vehendo dicata, per definitionem, suos habentia parietes, quibus, diffluxurum alias, continetur liquidum; tum necessario habebunt *fibras simplicissimas* (§. XXXIII.) ex quibus parietes eorum sunt conflati. Caue hic in infinitum procedas: id enim tam finiti corporis rationi, quam veriori repugnat Philosophiae. Has *fibras*, aut dices esse *fluidas* corporis partes, aut *solidas*? nec datur tertium per axioma. Non *fluidas*, (per §. XXXIII.) nam contradictionem id inuolueret: ergo, quidquid agas, fateri nobiscum debebis, easdem esse *solidas*. Diuersa fibrarum soliditas pendet a vario, quo elementa (§. XXXIII.) earum ad sese applicantur, nixus gradu. Qui, quoad plura vel pauciora, quibus elementa sese contingunt, puncta vel superficies, plures quoque habere species posset; quae tamen omnes commode in duas, *maiores* nempe, et *minores*; referuntur classes. *Maiori* nixus gradui respondet *rigidior* seu *ossea fibra*, (§. III. et XXXIII.) *minori* vero *mollior* seu *membranacea*: utraque tamen *solida*. Vasculorum, pro substrata materia, patroni, *molliores* adferunt primum naturam formare ex elementis fluidorum terrestribus *fibras*, ex his dein *vascula*, ex vasculis iterum eas *rigidiores* seu *osseas*, quas eorum aduersarii immediate ex iisdem elementis terrestribus operari naturam adfirmant: utrique ergo, distinctione sola, quae est in nixus gradu, intercedente, *solidas*. Quod erat demonstrandum. Iam quaeritur: Si vel Philosophice hocce sententiarum consideretur diuortium, an non sit probabilior hypothesis posterior? tanto

magis, si autopsiam, et quae huic superstructa sunt (§. XXXV.) ratiocinia, in auxilium vocauerimus? Certe, si prius ex elementis vel particulis terrestribus, quae liquori innatant vesicularum ouariis inhaerentium, fibras molliores; ex his vascula minima; ex vasculis dein rigidiores vel osseas construeret natura fibras; sapientiae ac prudentiae regulam: *Quod potest fieri per pauca, non debet fieri per plura*, liceat ita loqui, haud obseruaret. Cum tamen contrarium, vbi ad eius vias, quas incedit, animum paullo seuerius aduerterimus, quotidie experiamur.

§. XXXVII.

Ingenue quamuis, quod res est, iterum iterumque agnoscamus; nec dissimulemus quidquam, hocce naturae opus profundissimum, longe esse abstrusius, quam vt mentis nostrae acies possit exactissime in illud penetrare, totumque exhaurire: ex iis attamen, quae hactenus disputauimus, cum probabilitate concludimus maxima: Ossium fibras prima in origine sua non fuisse vasculosas; sed terrestribus (g) ex elementis seu particulis, et quidem certis, determinatis, vixque mutabilibus, quae in liquore vesicularum, et consequenter amnii, embryonem circumfundente, praesto sunt, accedente Manu Omnipotenti, construi ac componi. Haec elementa, aut per modum vis magneticae, quae, nil impedit, vt infra demonstraturi sumus, quo minus in nobis quoque obtineat locum, ad sese inuicem adtrahuntur, et per plurima contactus puncta laeuigatissima sibimet adnectuntur: Quemadmodum in Physica Experimentalis (h) pluribus profecto haec res quolibet anno a Celeb. Professore DAVIDE HAHN, demonstratur naturae exemplis: Aut mediante glutine sui generis oleoso; (i) vel aqueo; vel etiam aëreo; vt fit in calculis humanis, liquori inhaerente, inter semet coniunguntur, atque ita in fibrarum formam disponuntur, ad-

(g) vid. Illustr. van SWIETEN Libro citato §. 21. p. 20.

(h) vid. Elementa Physicae immortalis memoriae PETRI van MVSSCHENBROEK C. XVIII. p. 138. L. Bat. 1734. 8.

(i) vid. Comm. Illustr. Baronis van SWIETEN loco cit. p. 21.

adfluxuque humorum haud interrupto, mole sua sensim sensimque increscunt.

Quum vero talia fibrarum ex particulis crassioribus statuimus primordia; negamus eo ipso minime, constructis semel iisdem, lamellisque sibi impositis, in primis postquam suo liberatur foetus ergastulo, aliquem compressioni tandem posse locum adesse. Minima enim vascula lateralia, quae fibras inter lamellasque, ut humores aduehant, decurrunt, ab iisdem, utpote iamiam durioribus conprimi, atque, humore expulso, indurari posse, facile persuademur. Tanto quidem magis, si in memoriam ex Physicis reuocauerimus, nonnulla deprehendi extra nos in regno naturae corpora, quae corporis alterius, cum quo cohaerent, naturam exacte induunt. Ferrum, verbi gratia, postquam cum Magnete cohaeserit, mox vi huius adtractrice tam adcurate impraegnabitur; ut aequae, atque Magnes ipse, (k) ferrum ad sese attrahat aliud. Experimenta in Collegiis Physicis hac de re capta, omni prorsus carere dubio, quae scribimus, plus vice simplici docuerunt nos adcuratissima. Neque facile, id in nobis ita fieri, negabis; si perpendas vasculorum minimorum substantiam, quoad fibras, ex quibus componitur, quaeque sunt molliores (§. XXXVI.) paullo offeis, humido per fibrarum duriorum pressionem expulso, iamiam ad eam, quae est ossium, accedere. Ex hac nunc intelligimus consideratione, qui fiat, quod in ossibus aduultorum, iuxta artis leges, materia subtili perfusis, (§. XXXIII.) longe pauciora, quam infantum puerorumque, deprehendamus vascula. In his etenim tam ad incrementum, quam nutritionem plura requirebat natura, ad maiorem humorum copiam eo determinandam: cum iam in illis, ubi ad statum acmenque peruentum est incrementi; nec amplius, quam ad solum sui nutrimentum indigeant humoribus, minor quoque paullo vasculorum numerus sufficiat.

§. XXXVIII.

Obiiciet forsitan quis: Nouimus duas esse Eruditorum, de conceptu

(k) vid. cit. loc. MVSSCHENBROEK.

ceptu seu de foecunditate mulieris per coitum viri, sententias: quarum licet alteram inter atque hypothefin veftram videatur vt-cunque conuenire; aft cum altera, quae tamen a pluribus longe probabilior effe cenfetur, nihil penitus ea commune habet.

Ad hanc obiectionem remouendam, de loco materiaque conceptus, obferuemus fequentia quam breuiffime. Vtero, ad distantiam binorum circiter pollicum, lateraliter adnectuntur per ligamenta valida Ouaria duo, (1) quae ope membranarum aliarum a Peritoneo ortarum obuoluta firmantur. cetera. *Haec* a Veteribus, quod femina exiftimarent in illis parari muliebria, *Testes* adpellabantur *Muliebres*; vt et *ligamenta*, ab feminum ex ouariis in vterum deductione, *Vafa Spermatica*. Aft nec femina habent mulieres; neque ligamenta, vt-pote quae carent omni cavitae, faciunt ex ouariis in vterum communicationem vllam. Verum communicant ifta inter fe fe per Tubas Fallopianas, in pelui pendulas, nec Ouariis naturaliter adnexas, nifi folum in coitu: quando, ad inftar digitorum, fimbriae earum fe fe erigentes, adplicantur ad Ouaria, ficque viam ad vterum patefaciunt. Habent quidem fuam Ouaria cavitatem; fed quae non eft inanis, verum repletur ab aliquot, puta, decem vel duodecim veficulis multo fe fe minoribus: tot namque numero circiter, in eorum fingulis faepius offendimus. Hae veficulae in veneris actu turgescunt liquore, quem Veteres, vt ftatim monuimus, vocabant semen; Recentiores vero a colore, quem prae fe ferre folet, *Corpus luteum* adpellitant. Hoc pofito, vtrasque nunc de conceptu foetus sententias, fed nonnifi in compendium miffas, haud difficulter percipiemus. In Ouariis, et quidem in eorum veficularum hac vel illa, per ingreffum, cumque liquore feu Corpore luteo vnionem, feminis virilis, fieri conceptionem foetus, vnanimi consentientes voto, adferunt vtriusque patroni sententiae; exceptis paucis, locum ei vterum adfignantibus: diffentiunt vero in eo, quid Corpus luteum veficulae, ad hoc naturae opus conferat ftupendum. Ea nempe, quibusdam arridet sententia, quod liquor ifte praebeat conceptus fubiectum ac materiam aptam

fuffi-

(1) vid. Inf. Med. M. BOERHAVII §. 669. 671. p. 340. 342.

sufficientemque ita, vt nonnisi inpraegnatione indigeat. Quare a femine virili, ex Vtero per Tubas Fallopianas huc adlato, materia illa saltim impraegnaretur, hoc est, motus eidem, omnia futuri homuncionis corpusculi primordia in sese continenti, induceretur ac conciliaretur.

Negant id alii et pernegant, qui HAMMIVM, LEEVWENHOEKIVM, ^(m) LIBERKVNIVM, ceterosque sequuntur Viros in Arte peritissimos; sed contra, embryonis nascendi stamina inesse animalculo feminis virilis vniuersa adfirmant; et huic, per suas Ouariorum vesiculas, inque his contentum liquorem luteum, nonnisi nidum, fotum et alimentum praebere mulierem censent. In hanc pedibus iuit sententiam „ Magnus quoque BOERHAVIVS, cum ⁽ⁿ⁾ ait: Itaque masculinum semen animalculis vivis scatens, maxima vi, summo calore, forte et ingenti copia „ spirituum animalium incitatum, cetera, ouo occurrens, parte „ viuaci incredibiliter parua, intrat per dilatatos tum poros membrulae oui, ibi retinetur, sustinetur, fouetur, nutritur, cet. Quam hypothesin posteriorem illustravit, fatemur, prae aliis quam euidentissime, quouis Argo oculatior, MALPIGHIVS, cum demonstrasset pulli conformationem in ouo, ^(o) quomodo sex horarum spatio in incubatis gallinae ouis cicatricula augeatur, vt disrupto folliculo, caput cum adparente vertebrarum ordine incipiat erumpere, et post integrum diem pullus, cum capitis et spinae dorsi candido inchoamento, inferiora versus recuruo, in colliquamento, alis crucis in modum extensis, innatare soleat: necnon quaenam pullo, successiuo incremento ad gradum perfectionis et exclusionis ex ouo, accadat mutatio.

Cum

^(m) vid. LEEVWENHOEK in Contin. Art. Nat. p. 60. 286. seq. Illustris ALBERTVS HALLERVS Praelect. Acad. T. V. p. 365. seq. in Not. Cel. HAMBERG Physiol. p. 707. seq. Et mei Amici veteris Optimique, PAVLI SZATHMARI, M. D. ac in Lyceo S. Patak. Prof. Phil. qui eos in epitome exhibens, otium hic mihi fecit, doctissima Dissert. Inaugur. de Morte Naturali §. I. et seqq. Franeg. 1758. ⁽ⁿ⁾ vid. Lib. cit. §. 673 p. 342. seq. ^(o) vid. Lib. cit. BOEHMERI §. 23. p. II.

Cum tot sint Virorum in arte Magnorum, de feminis masculini animalculis, capta beneficio microscopiorum experimenta, hisque innixa testimonia; videtur vix amplius posse de iisdem dubitari. Haec scribentes, reuocauimus nobis in memoriam insigne ac huic fere analogum experimentum, quod incomparabilis in rebus Physicis indagandis industriae VIR, b.m. van MVSSCHENBROEK, inter reliqua, quibus corpora plurima diuidi posse in admirandam, omnemque captum humanum superantem subtilitatem probarat, argumenta, nobis olim inspectantibus Physico in Collegio produxerat. Guttam circiter aquae, ante per ipsum, vt retulit, putrefactae, infuderat in aeneam laminam probe politam ac mundam, cui, mediante stylo quodam, ad iustam distantiam, microscopium mediocris magnitudinis **exquisite fabrefactum** superne imposuerat. Quo facto, iussit nos singillatim ad mensam eius hoc adparatu instructam accedere, atque primum nudis tantum oculis, dein vero microscopio armatis, in eandem contueri aquae guttam. Dicto sic quisque nostrum audiens, cum priori modo nihil, praeter humorem aqueum, cerneret, neque quidquam in eo distingueret; mox ope microscopii innumera profecto animalcula, de loco in locum quaquauerfum, instar forficarum, sese motitantia, egregie sunt a nobis perlustrata. Huic non in omnibus dissimilia, hic Traiecti deinde, cum Nobilissimi Domini IOANNIS a MINNEBEEKE iucunda vteremur familiaritate, per microscopia, quae satis polita possidebat, in animalculis plusquam semel, semperque cum successu, annis superioribus instituimus tentamina.

§. XXXVIII.

Quamcunque nunc ex duabus sequaris sententiam, nobis perinde est; nec quidquam veremur, quo nostrae (§. XXXVII.) de ortu officulorum conclusioni alterutra officiat. Pone enim, per nos licet, „stamina totius corpusculi, quae in animalculo feminis virilis praexistunt, (p) neque ossium excludere inchoamen-

(p) vid. BOEHMERI Lib. cit. §. 23. p. 10.

menta; tum non aliter quidem, quam per modum *Incrementi* atque *Nutritionis*; attamen nostrae, si quid videmus, locus dari debet hypothesis: Eiusmodi namque animalculum, ut loquitur post LEEVWENHOEKII observata Magnus MVSSCHENBROEK, (q) „ suum habebit corpus organicum, donatum musculis, arteriis, venis, aliisque vasis, per quae fluunt humores; proindeque habebit partes, toto corpore organico adhuc „ multo subtiliores. ” Si ita; tum profecto nonnisi incremento ac nutritione indigebit: ad quae cum eius partes, sint insufficientes; per corpus luteum vesicularum, ut (§. XXXVIII.) habetur sententia, defectus supplebitur, hoc est, omnia corpusculi, consequenter etiam ossium inchoamenta in dies accipient incrementum et nutrimentum. Dices forsitan: Quomodo in partibus animalculi vasculosis id peragatur, non difficile est intellectu; at haud aeque in ossium inchoamentis, quibus vasculosam denegatis naturam. „ Quo enim vasa sunt teneriora, recentiora, propiora „ causae mouenti, testante Magno BOERHAVIO, (r) eo „ facilius elongantur, distenduntur, destruuntur, reficiuntur. „ Ergo corpora nostra, quo propiora primae suae origini, eo plus „ excrescunt. ” Vnde, quod ita fieri in infantibus ac adultis experimur, in animalculi quoque vasculis fieri posse censendum est. Per canales scilicet subtilissimos, conicos aut cylindricos et elasticos pulsi recta humores, dum ex lato fluunt in angustius, seu cum renixu quodam facto; tunc nituntur suorum canalium latera, iuxta longitudinis axin producere: atque ita superant particularum cohaesionem, ex quibus fibrillae coalescunt, leuissimam. Cohæsione sic superata, spatiola inter particulas formantur exigua, quae per particulas plures ex fluidis repleta, faciunt fibrillas longiores, seu, quod aliter vocamus, crescere. Pone, verbi gratia, fibram nunc ex decem particulis constare, quarum cohaesione per fluxum humorum superata, si spatiolis duae vel plures imponantur ex fluidis particulae, hoc ipso fiet longior eadem, seu incrementum capiet. Si vero per hanc actionem plures
etiam

(q) Lib. cit. §. 26. p. 16. (r) L. cit. §. 465. 466.

etiam fibrillae formatae, ceterisque interpositae fuerint; mox diameter quoque increfcet vasculorum. Iam hoc nifu adfidue repetito, licet fit minimus, fenfim et infenfibiliter vafcula elongabuntur, ac elongando adtenuabuntur magis magisque, idque breui tempore. Haec ita fieri, ais, in vafculis animalculi tenerrimis facile capis; fed quid fiat cum inchoamentis offium eius? nifi fuerint etiam vafculofa, adfequeris minime. Respondemus: non requiritur effe vafculofa; attamen dictis (§. XXXV. et XXXVII.) modis, ficuti hoc in adultorum, praeter offa ipfa, partibus, obtinet quibusdam mollioribus, augmentum capient. Atqui regeres fortean: Nullae funt in pueris aut adultioribus partes non vafculofae, quae incrementum aut nutritionem accipiunt: haec enim contingere nonnifi in vafculis, iisque minimis poffunt. Audi, quid ad hoc reponamus: *Primo*. Si tantum in vafculis incrementum et nutritio contingerent minimis; tum fequeretur eadem in maioribus haud obtinere: at falſum confequens, ergo et antecedens. Nec fufficit Tibi excipere: Ex minoribus conſtare maiora vafa; et fic quae illis accidunt, his quoque euenire. Nam ita huic Exceptioni locus daretur; ſi tantum in minimis fluentes humores vafculis, neque in maioribus cauſſarentur incrementi ac nutritionis conditiones: at hoc falſum, ergo et illud. Minorem probabimus ex conditionibus iſtis, quae ſunt ſequentes: 1°. Vt per continuum humorum motum, quemadmodum fit in omni adritu, particulae quaedam de vafis deterantur. Quod eo magis in maioribus obtinet vafis, quo maior fit in his liquorum motus.

2°. Relictum ab detritis ſpatium vacuum, aliae iſtis ſimillimae ex fluidis ingrediantur particulae.

3°. Hae ſpatiolis ac vicinis particulis debito modo cohaerere et cum iis vniri debent. Iam vero hae conditiones ad increſcendum ac nutriendum requiſitae, aequae adſunt, immo magis, in maioribus; quam in minimis vafculis: ergo falſa erat Minor Propoſitio. Nec defunt praeterea liquoribus per maiora vafa fluentibus, particulae detritis ſimiles, aut incrementum nutritionemque praeflantes.

Secundo. Negamus audacter, vt falſum ſuppoſitum, nullas dari in pueris et adultis, quae in dies increſcunt, nutriunturque, partes

tes non vasculosas, et quidem praeter ipsa quoque ossa. Dantur enim tales in Corpore Humano plures. Quis etenim Physiologorum vel Anatomicorum in membrana Arachnoidea, Epidermide, Reticulo Malpighii, Vnguibus vnquam obseruauit et detexit vascula? Nullus: quia *Non entis nullae sunt adfectiones*, vt sonat Metaphysicorum regula.

Omnes denique partes vasculosae habent suas membranas, in quibus, tamquam suis subiectis, vascula decurrunt. *Tela*, verbi gratia, *Cellulosa* habet et vasa, et membranam ex fibrillis contextam solidis, cui illa inhaerent. An vtraque haec sunt vasculosa? Neutiquam: nemo namque hucdum et vasa, et simul membranae ipsius fibras potuit quacunque materia perfundere subtilissima. Quod tamen factum esse debebat, si vtraque essent aequae vasculosa. Adde his sequentem, neglectis aliis, rationem:

Anatomicorum, quamuis artem vasa iniiciendi calluerint dexterrime, quotus quisque est, qui in fibris *Tendinum* siue iniectione, siue arte quacunque alia, demonstrasset vascula?

Atqui hae Partes cunctae, vt vel in Vnguibus Tuis quotidie obseruas, licet vasculis careant, incrementum et nutrimentum recipiunt. Ergo, praeter quoque ossa, dantur partes in corpore nostro diuersae, nullis licet instructae vasculis, tamen crescentes et nutritae. Quod erat demonstrandum.

Si haec ita in partibus solidis quidem, ast longe, quam ossa sunt, mollioribus sint demonstrata; quis nunc erit tam audax, vel potius, pertinax, vt fibras ossium, vel ob solum incrementum ac nutritionem, debuisse vltro vasculosas aliquando fuisse, temere adferat? Dices itaque forsitan: fere Te iamiam de rei, in partibus dictis, veritate conuictum esse; ast modum, quo crescant ac nutrantur eadem, adcurate necdum comprehendere. Doceberis illico, si adtendas ad sequentia.

Omnes corporis humani partes, consequenter etiam hae, de quibus statim erat sermo, habent poros maxima in copia per substantiam suam, quanta quanta est, dispersos; et per hos ex vasis, siue solitariis, siue partium aliarum proxime illis adiacentium exhalantibus, materiam recipiunt nutrientem atque augescentem. Non carent his poris in regno Fossili ipsa quoque metalla, immo

nec horum durissimum, quod vocamus Aurum (s). Quis ergo dubitaret eosdem in regno animali, seu partibus corporis nostri locari? Vasa quoque itidem liquores vehentia, in primis arteriae, suos habent poros, qui particulas transsudant nutrientes augescentesque, aut per oscula sua emittunt. Sume, exempli gratia, *Telam Cellulosam*, cuius vascula, et propriis fibris solidioribus, et aliis partibus innumeris, quas attingit, eiusmodi praebent materiam. Fibrae enim eiusdem solidiores cinguntur ad latera vasculis eam exhalantibus, sicque nullo negotio absorbent ex his aut ad se adtrahunt. Attingit praeterea *Tela Cellulosa*, hoc vel alio nomine, omnes fere corporis nostri partes, immo fibrarum etiam permeat et inuestit recessus muscularium, necnon ubique eodem per vascula defungitur munere. Sed nil refert, an *Tela Cellulosa*; an vero alia, quaecunque fuerit, membrana; aut pars crassior vasculis diues? idem enim per arterias quacunque in parte locatas praestatur. Sic ergo dictae partes, licet vasculis careant, cum in poros suos, transsudantem ex vasculis aliarum partium materiam recipiant, absorbeant et sibi adtrahant; intelligere ex his, nisi cerebrum habeas quantum quantum callo obductum, facile poteris, quomodo incrementum ac nutrimentum capiant.

Verum enim vero res profecto admiranda videtur, quod ex vniuersali isto fluido, sanguinem volumus nostrum, ossibus osseae, cartilaginibus cartilagineae, tendineae tendinibus, musculis musculares, membranaceae membranaceis; et sic porro, particulae adplicentur et adtrahantur. Fatemur, aliquando praeternaturaliter, ut (§. XVI et XVII.) supra vidimus, partes deprauari per mixtionem; ast naturaliter parti cuilibet separatim determinatae, sicut in origine genesique; ita in incremento, per modos (§. XXXVII.) supra descriptos, adplicantur et adnectuntur particulae.

§. X X X X.

Nil nunc superesse aliud censemus, quam ut demonstremus, quae in corporibus extra nos deprehenditur, eandem *Adtractionis* et

(s) vid. Lib. cit. M. MVSSCHENBROEK C. 2. §. 36. p. 20.

et *Adhaesionis legem*, in corpore quoque nostro, tam respectu originis, quam incrementi ossium, NVMEN posuisse ac stabiliuisse Sapientissimum. Antequam vero id ageremus, ne quis termino *Adtractionis* quoquo modo offendatur, serio notandum, adpellationis huius sensum hic pariter, atque in Physicis, esse improprium: nam proprie trahitur corpus A, ad alterum B, quod ope intermedii funis, lori, aut baculi ligatum est cum B: hinc moto B aliquam versus directionem; sequitur A. Quare, quid per terminum *Adtractionis* inproprium intelligamus, necessum est, ut per definitionem determinemus. Definimus itaque cum Magno MVSSCHENBROEK *Eam* (t) hunc in modum: Quotiescunque duo libera corpora, quae a se inuicem distant, absque causa extrinsecus pellente aut mouente cognita, vel eius suspicione, animaduertimus ad sese accedere: aut quoties corpora a se nunc soluta, deinde sibi adplicata fortius cohaerere, quam proprium pondus exigeret, absque causa premente externa obseruamus; toties vtrumque hocce phoenomenon vocamus in tribus naturae regnis *Adtractionem*, vimque eiusdem adpellamus *Vim adtrahentem*. Termino *Adtractionis* sic per descriptionem determinato, si quis tamen adhuc maluerit aliis terminis, veluti *Accessus mutui*, *Adhaesionis*, *Adhaerentiae*, *Absorbtionis*, *Cohaerentiae*, aut similibus pluribus, hac in re vti, modo ad phoenomena dicta aptitudinem habeant notanda exprimendaque; nobis nihil penitus aduersabitur, nec quidquam offendemur, sed vtatur libere, permittimus. Iam vero quemadmodum extra nos plurimis in occasionibus; non secus in nostro corpore, ut mox haud paucadaturi sumus partium eius exempla, animaduertimus corpora ad se mutuo ferri; absque eo, ut causa, quae pelleret, aut moueret, vlla ratione nobis pateat externa. Non enim pendet adhaerentia eorum ab aëris pressione exterioris: cum omnia in Vacuo Boyleano non solum firma inter se cohaereant; sed quoque tubuli vitrei aequae in eodem, atque extra illud, in libero aëre, liquorem absorbeant. Neque aliud fluidum extrinsecus,

cor-

(t) vid. Lib. cit. C. 18. §. 356. et seqq. p. 138.

corpora ad se inuicem premens cognoscimus: nam AETHER, ab aliis eundem in finem inuocatus, fingitur modo; et Quies partium, a CARTESIO adsumta, vim nullam habet. Quicunque proinde Impulsioni externae, eiusmodi corporum motum adscribit; causam temere adsumtam atque ignotam effectui adsignat. Accedit denique: Simulac corporum ad se accessum ope externae causae pellentis fieri detegimus; tum non amplius haec sese *adtrahere*, vel *absorbere*; sed ad se *pellere* statuemus. Confer huc loco citato Magnum MVSSCHENBROEK. Cum ergo corpora intus et extra corpus nostrum ad se ferri per Impulsionem externam, siue solida, siue fluida fuerint illa, non sufficiat ex hypothesi aliqua adsumta, vel ficta adferere; sed potius obseruationibus vel experimentis verissimis, inque sensus incurrentibus, quod a nullo huc usque mortalium praestitum est, debeat demonstrari: hinc euidenter concludimus, corpora ad sese accedere non posse; nisi principium aliquod actiuum, motumque producere valens, in se possideant. Quod si Omnipotens CREATOR, in substantiam corporum internam, eiusmodi principium, quo omnia ad se nituntur, infuderit; id ex obseruationibus a nobis inuestigandum et addiscendum est, non secus, quam reliqua corporum attributa ex obseruationibus eruuntur. Horum vi principiorum corpora tam in nobis, quam extra nos, ad sese inuicem nituntur, ruunt, cohaerent, et sese contingentia absorbentur, non aliter, quam si a vi externa premerentur ad se inuicem. Demonstrare tamen haec, quot et qualia sint, non possumus: cum in interiorum corporum substantiam sensibus penetrare nobis concessum non sit. His ita praemissis, iam ad Thesin demonstrandam et adstruendam, Argumentum ducimus.

Primum. Ex consideratione *Adtributorum*, quae corporibus trium naturae regnorum, puta: Animalis, Vegetabilis, Fossilis, conpetunt, ac naturaliter inhaerent. Non enim existimamus vllum, cui sanum est sinciput, Ossa nostra, eorumque particulas, seu elementa aut principia, (§. XXXIII.) ex quibus, in fibras dispositis, conflata sunt, excludere numero corporum velle. „Iam vero Adtributorum eorum (u) sunt nonnulla, quae nec intenduntur vnquam,

nec

(u) vid. Lib. cit. M. MVSSCHENBROEK C. 2. §. 14. p. 7.

„ nec remittuntur: alia vero, quae intenduntur, remittunturque.
 „ Priora sunt *Extensio, Soliditas, Vis Inertiae, Mobilitas, Quie-*
 „ *scibilitas, Figurabilitas.* Posteriora sunt *Gravitas et Vis Adtra-*
 „ *ctionis*”. Quis est, qui non vna nobiscum fateatur, cuncta
 priora Adtributa, immo etiam ex posterioribus *Gravitationem*, ossi-
 bus nostris, eorumque elementis, aequae, ac aliorum regnorum
 corporibus, semper et ubique inesse ac inhaerere? Si ita; nulla,
 certe, videtur superesse ratio fontica, nisi praeiudicium fortean,
 quo a teneris imbuimur, cur iisdem *Vim* quoque *Adtractionis* de-
 negemus? Aut si hanc denegauerimus; necessarium erit, vt etiam
 ceteris Adtributis eadem spoliemus: quod absurdum.

Secundum petimus argumentum ab minimis corporum extra nos
 positorum partibus, et quidem tam firmis seu solidis, quam flui-
 dis; et sese mutuo, et aliis alias adtrahentibus. Si enim illis *Vis*
 haec *Adtractionis* inhaereat; iterum, fatemur, nos non videre rati-
 onem, cur non aequae particulis Ossium nostrorum eadem insit? ni-
 si corporum classe exterminare easdem sustinuerimus. Quod ite-
 rum absurdam saperet Philosophiam; finitque ac materialis, si
 quid videmus, repugnaret ossium nostrorum substantiae. Ast
 vero ita de illis extra nos corporibus Magnus MVSSCHEN-
 BROEK: (x) Interim notamus omnium corporum firmiter mi-
 nimas partes sese adtrahere, atque vi adtractionis cohaerere, et
 componere massas maiores. Non enim pendet Coharentia ha-
 rum partium a pressione Aëris externi, aut Aëthere, aut Quiete
 partium, cet. cum omnia firma in Vacuo Boyleano cohaereant.
 Sed quoque omnia fluida se mutuo trahunt; vti sua tenacitate,
 tum globositate suarum guttarum probant, (exceptis Aëre, Igne
 et Luce): quae cum et in Vacuo obtineant; non a pressione ex-
 terni fluidi; sed a partibus sese adtrahentibus, et aliquo modo se-
 cum cohaerentibus pendent. Verum Fluida adtrahunt corpora
 Firma seu solida; et haec vicissim Fluida: est igitur *Adtractio*
yniuersalis: cum in omnibus corporibus, tam Firmis, quam Flui-
 dis obtineat. Haëtenus Ille. Vide loco citato plura has in res
 Eius-

(x) Lib. cit. §. 360. et seqq. p. 140

Eiusdem et varia experimenta. Si ergo haec in corporibus extra nos, eorumque particulis minimis, in quas industria tantum humana potest eadem refecare, ita obtineant; quid, quaeso, obstabit, quo minus de vltimis ossium elementis terrestribus eadem adferamus? quin potiori profecto iure possumus.

§. XXXXI.

Tertium hoc erit argumentum: Quemadmodum trahuntur fluida extra nos a corporibus solidis, hisque adhaerent; nec refert siue fluida fuerint specificè grauiora, vel leuiora solidis: vt Balsamus Minii ab omnibus corporibus, grauib; ac leuissimis; sanguis humanus, bouinus, cet. a linteo, charta, cet. oleum Virioli a ligno leuissimo, subere, charta, linteo, foliisque plantarum nonnullis, cet. ita quidem, vt etiam illis adhaereant singula; Liquor aqueus a tubulis Vitreis; atramentum, cum scribimus, a penna; cetera vide loco citato: haud absimiliter habet corpus nostrum partes solidas, quae fluida in sese adtrahunt: ergo eadem Adtractionis lege erunt quoque elementa earum, tanto magis ossium, praeditae. Consequentiae ratio, a virtute scilicet compositarum partium solidarum, ad earundem elementa, in ea Metaphysicorum Logicorumque sita est regula: *Nihil est in materiato, quod non prius fuerit in materia.* Ex quo Axiomate verissimo sponte fluit vis consequentiae. Vnde sicut ceteris adtributis, iuxta primum argumentum (§. XXXX.) partes nostrae atque etiam ossa, in compositione vel coalitu non priuantur, fatentibus omnibus: ita nec elementa adtributo Adtractionis possunt spoliari: et vice versa. Sunt enim vtraque, tam partes compositae, quam earum elementa, vt diximus, eiusdem corporeae naturae substantiae, nec diuersae. Vt antecedens argumenti paullo fusius probemus, dari, nempe, in corporis nostri partibus solidis, isti, quam in tubulis vitreis deprehendimus, aequalem ac similem, immo maiorem Adtractionis legem; adtendamus serio ad eorum ab Magno MVSSCHENBROEK datam descriptionem. Ita Ille: (y) Vim Vitri plurima fluida adtra-

(y) Lib. cit. C. 18 §. 381. p. 154.

hentem, ostendunt varia phoenomena canalium exilissimorum, qui vtrunque aperti, bene mundi, recentes, recti; ad horizontem perpendiculares vel inclinati, inferiori extremo fluidis impositi, ea magno impetu in se rapiunt, vsque ad notabilem, sed constantem altitudinem: quae eo maior est, quo longiores sunt canales: quam ob rem vis adtractionis pendet a toto canali, non ab eius supremo margine. cet. Horum effectuum causa, ita pergit, non est Aër atmosphaericus, qui minus grauitaret in tubis, quam supra reliquam fluidorum superficiem: cum in Vacuo Boyleano ad eandem altitudinem fluida adtollantur in canales, quam in aëre aperto. cet. Saepius haec cum tubulis vitreis, aliaque ab Cel. Professore, DAVIDE HAHN producta experimenta, vt supra monuimus, ipsi priuatim ac publice conspeximus.

Atqui canales corporis nostri varios, nulla causa accedente alia, nisi per suam fabricam naturalem, fluida in sese adtrahentes habemus obuios: ergo eandem quoque offibus proprietatem si negaremus, essemus in eorum particulas iniurii.

Dari vero in corpore nostro plures Canales, tubulorum vitreorum in modum, liquida ad sese adtrahentes, probamus sequentibus rationibus et exemplis.

a. Quia adsunt in vniuersa corporis nostri superficie, sicut vasa exhalantia; ita etiam *Absorbentia* fluidorum, seu ad sese adtrahentia. Si quis hoc ire inficias non vereatur; attendat, rogamus, ad phoenomena sequentia:

a. Brachium sani hominis, si in Vini spiritum immiseris; mox pariter inebriabitur, ac si bibisset eundem. Cur? particulae namque spirituosae, per vasorum absorbentium tubulos, qui sunt initia venarum, erant adtractae et delatae in sanguinem, cum quo tandem circulantur et deferuntur ad cerebrum. cet.

b. In balneo experimur nos, longe maiorem, quam naturaliter ac ordinario solemus, immo ingentem interdum vrinae copiam excernere. Vnde hoc? ob eandem profecto, nec aliam rationem. Iidem etenim tubuli vasculorum absorbent seu adtrahunt aqueas balnei particulas, quae tandem a sanguine in Renibus separantur, atque per Vreteres delatae in Vescicam Vrinariam, ex hac per Vrethram expelluntur.

c. Si quis Vescicatorium ex Cantharidibus externe adplicuerit

corpori suo; aequè difficilem habebit, ac si eos in potione haufisset, vrinae excretionem, immo quandoque in totum suppressam. Nonne hoc quoque ob eandem vasculorum adtractionem, inque sanguinem Cantharidum deductionem? Maxime.

d. Admoue purgans aliquod medicamentum per modum cataplasmatidis cuti; mox alium depones, tamquam ore idem epotasses.

e. Ab emplastro corpori admoto, nonne saepe dissenteriam fuisse excitatam deprehensum est?

f. Nouimus ad Gonorrhœam Virulentam et Luem Veneream sanandam, duplici potissimum modo: vel externo, scilicet, Mercurii ad corporis superficiem adlitu; vel vsu interno eiusdem posse saluationem cieri. Dum haec posteriori modo in Hollandia, tamquam vsitatori, excitatur; nonne tunc temporis, priori per Gallos Medicos aequè feliciter absoluitur? Plura praeterimus exempla. Quos effectus non posse nos aëris externi seu athmosphaerae pressioni adscribere, patet, ex consideratione numerorum subsequen-
tium: in interioribus enim nostri corporis cavitatibus, ubi athmosphaerae prementi nullus habetur locus, iidem producuntur effectus.

β. Non solum ergo in corporis nostri superficie externa; sed quoque in omnibus eiusdem cavitatibus interioribus, quae plures habentur, vt Cerebri quatuor, quas *Ventriculos* vocamus, duae Thoracis, Pericardii, Abdominis, Vteri muliebris, Ovariorum, Vaginae, cet. adsunt eadem vascula seu tubuli venarum absorbentes, qui vapores ac humores, ab arteriis per poros suos aut oscula emissos in cavitates, ad sese adtrahunt, absorbent atque in sanguinem deuehunt. Ni mechanismus horum adtrahentium ad-
esset tubulorum; profecto, intra temporis aliquod interuallum, cavitates quaelibet vaporibus et consequenter humoribus repleretur. Vnde factum est; quod cum haec vascula quacunque materia spissiori obstruuntur, aut ab aliis comprimuntur partibus; mox inter causas Hydropis Procatarticas recenserentur a Practicis soleant. Nec immerito: impeditur enim tunc temporis, quem arteriae exhalant, roris, consequenter huius in humores condensati, quominus resorptus, atque per venas ad cor refluxus fieri commodè possit.

possit. Hinc rationem reddere possumus certissimam, cur quandoque per medicamenta, ex thoracis et abdominis cauitatibus, Hydrops, seu materia aquosa praeternaturaliter in illas congesta, per vrinam feliciter excernatur. Per haec enim vascula absorbentia defertur in sanguinem, et cum hoc in Renes, cet.

γ. Nonne vasa in intestinis tenuibus ut plurimum locata, quae Lactea vocamus, ex ingestis alimentis potulentisque paratum adtrahunt Chylum, deferuntue in sanguinem, ad incrementum ac nutrimentum corpori nostro praestandum?

δ. Semen masculinum, contra grauitatem suam, ex testibus extra Peluim in scroto pendentibus, ab *Vasis*, ut vocamus, *Deferentibus*, utraque per inguina sursum adtrahi in peluim, inque Vesiculas feminales deduci, quis est, qui negare sustineat? Cum tamen cauitas eorum in principio et progressu tam fit arcta, ut vix setam admittat porcinam.

Concludimus itaque ex datis exemplis tertium quoque argumentum: Quod si in partibus corporis nostri memoratis, lex ista Adtractionis, quam nullus mortalium illis eripere potest, tantopere vigeat; eandem etiam ossibus, nisi iniurii fuerimus, haud posse nos denegare.

Ex omnibus vero simul sumtis, cum haec in incremento ac nutritione, quemadmodum exposuimus, peragantur; ita naturam in origine quoque ossium operari, maxima cum probabilitate adferimus. Est enim illa in actionibus sibi similis maxime.

§. XXXXI.

Quod reliquum est. Per gratiam DEI salutiferam, (2) nos in dies iugiter erudientem, impietati mundanisque cupiditatibus vale dicto; necnon frugaliter, iuste ac pie vita in hoc seculo transacta; faxit extremo mundi die NVMEN Benignissimum, ut nostrum quoque, qui remota procul fanna omni, mente haec leturi sumus sincera, omnium OSSA ex suis, in quae post mortem mox resoluentur, principiis et elementis, rursus per Manum EIVS Omnipotentem, non tantum coalescant, nec solum ner-

uis

(2) Tit. 2: 11, 12.

uis (j) inducantur, carne et cute obtegantur, spirituque suo donentur, atque ita reuiuiscamus: ast quoque EVMdem, IEHOHAM pariter ac VINDICEM esse nostrum (v) cognoscamus; immo ipsimet, cum beato IOBO videamus; nostrisque ipsorum, nec alienis oculis adspiciamus, transeuntes cum Eodem, ad EVMdem in habitacula aeterna: vbi nec OSSA, nec ceterae iis incumbentes corporis partes amplius dissoluentur; sed sine vlla remissione, vna cum beatis Coelitibus, (vv) dies et noctes dicemus: SANCTVS, SANCTVS, SANCTVS, DOMINVS DEVS Omnipotens! qui fuit, qui est, et qui viuet in secula seculorum. Dignus es DOMINE! qui potestatem, et diuitias, et sapientiam, et virtutem, et fortitudinem, et gratiarum actionem, et benedictionem, et laudem, et honorem, et gloriam accipias: quoniam TV omnia condidisti, eaque TVA voluntate et sunt, et condita sunt.

F I A T.

I T E R V M. I T E R V M Q V E.

O P T A M V S.

(j) Ezech. 37: 5, 6. (v) Iob. 19: 25 - 27. (vv) Apoc. 4: 8, 9, 11. et 5: 12.



